

宋

會

要

宋會要 后妃尊號

太祖建隆元年二月三日大常禮院上言伏以王者立顯親之殿所以尊母儀開長樂之宮所以伸子道稽諸歷代實有尊章伏惟帝母南陽郡太夫人象協陰靈功深厚載奎山助夏道冠於三王文母與周名標乎十亂徽號未正闕執甚焉謹按漢書帝祖母曰太皇太后帝母曰皇太后陛下膺圖寶始孝治攸先宜彰隆燕之祥式表濯龍之貴伏請上尊號曰皇太后詔曰恭依典禮仍令所司候追冊四親廟禮畢擇日備禮奉冊後不更行冊禮太宗至道三年四月一日制曰王者膺顧託之重居宸極之尊稽考舊章宣明孝治用尊尊之義慰蒸蒸之心風化攸先莫尚於此顧惟眇質獲嗣慶基仰奉慈顏敢忘前訓洪惟大行皇帝皇后坤元表德壺範流芳輔佐先朝厥功斯茂俾陳典禮式薦徽稱謹上尊號曰皇太后令所司擇日備禮奉冊宰臣等詣崇政殿門拜表稱賀又詣內東門拜表賀皇太后真宗乾興元年二月十九日制尊皇后為太后仁宗天聖二年七月十八日宰臣王欽若等拜表請上尊號曰應元崇德仁壽慈聖皇太后表五上詔答許之八月七日命宰臣王曾撰冊文叅知政事魯宗道書冊寶八月翰林學士承旨李維等上皇太后於崇政殿受冊儀注

帝曰恭上皇太后尊名斯為盛禮然於內殿受冊豈朕推奉母儀之意乃下詔曰朕仰承基構獲奉宗祫明德洽於民心在孝治於天下恭惟皇太后祇膺遺訓懿覽鴻基邦國用康品物咸又將舉禮燭之禮爰尊純煥之稱躬率羣倫式揚盛烈覽攸司之藏制於內殿以陳儀額容典以永安俾臣庶之曷仰矧以簪紳就烈金石在庭闈不世之令猷播綿區之歡頌宜臨顯位恭上徽名所冀協衆多愛戴之誠副冲眇推崇之意永為玉矩勅務遵行將所上皇太后尊號宜就文德殿發策仍就天安殿十一月十三日郊祀禮畢帝御天安殿受冊百僚稱賀畢再序班侍中奏外辦禮儀使奏請發皇太后尊號冊寶皇帝服承天冠絳紗袍以出殿中監進圭禮儀使與閤門使前導皇帝隨冊寶降西階內臣主當職掌捧至殿庭置於東向褥位禮儀使奏請皇帝再拜在位官皆再拜恩行事公卿執事者不拜再拜訖太尉司徒就受冊寶位皇帝稽主跪捧冊授太尉太尉稽首東向側身跪受冊文曰嗣皇帝臣禋謹再拜稽首言恭以為天下之母者愛育之功博居域中之大者覆載之道均乃有飾盛禮以推崇因強名而玉顯以恩則尊親脣極以義則中外一辭表德垂鴻非可以闕况乎寧保基緒撫覽權綱格萬宇之治平副輿情之輸戴式隆稱號以備休黷伏惟皇

太后陛下聰明淑哲淵穆懿恭體御龍之遐源啟曾沙之瑞命輔佐先聖
輯睦藩房中翊宮朝協敷聞教服圖史之至戒慕黃老之微言及正位承
天居尊治內勤儉之化式於中闡和平之風被於四表王基允固睿問載
融曩者號弓在辰仍凡有命與以大寶付於菲躬兢兢哀荒懼固低濟實
賴慈陰以授洪圖上奉顧託之明俯慰邇遐之望詳錄機務各謀政經憲
祖宗之舊章屬官師之凝績本乎子物之惠濟乃守成之業方今蠻夷款
附封宇靖安百度聿修六氣是若肇裡肆類克展上儀饗是休嘉率由保
翼故得公卿庶尹藩蔽守臣武旅戎酋縉黃耄艾咸謂周有思齊之什播
於聲歌漢有長樂之謠垂於竹帛斟酌前訓擬議咸猷允非鴻名莫揚茂
烈綿代曠典自我而著猶且推美而弗有約已以至謙連袂叩闕露章五
請臣等以因人之欲拜跪於內甫迴冲慮乃脩公言夫舍章履順之謂應
元詔訓逮下之謂崇德體仁所以膺壽域之福宣慈所以隆聖善之懿不
勝大願謹以百僚庶士奉玉冊琮寶上尊號曰應元崇德仁壽慈聖皇太
后伏惟懋協歡心誕膺洪冊承七廟之流祥受九星之敷錫擁佑家邦社
祚無極臣禎誠歡誠忭頓首頓首謹言○又捧寶授司徒如授冊儀皇帝
歸御幄改常服乘輿赴文德殿後幄百官班退並赴朝堂幕次太尉司徒

奉冊寶至文德殿門外幄次奉安文武羣官宗室客使並集於文德殿中
書門下翰林學士兩省御史臺並立於殿階下香案前侍中奏中殿外解
皇太后服儀天冠衣以出奏隆安之樂行障步障方圍扇侍衛垂簾即
御座南向樂止太常卿前導冊案至殿西階下太常卿以下各歸位典儀
曰再拜在位者皆再拜分班東西序立吏部侍郎押冊案禮部侍郎押冊
升進至褥位當御座前訖太尉跪奉冊案稍前中書令讀冊訖奉冊函北
向進置於御座前訖中書令舉冊官俱降還位太尉降階納舄帶劍訖侍
中押寶案司徒捧寶侍中讀寶並如讀冊之儀畢置於御座前冊之南訖
司徒太尉詣香案前分班東西序立尚書詣皇帝座前奏請皇帝詣皇太
后御座前行稱賀之禮皇帝服韞袍簾內詣皇太后御座前奏請再拜訖
跪賀曰嗣皇帝臣稹言皇太后陛下顯崇徽號昭煥宸瀛伏惟與天同壽
率土不勝欣忭伏興又再拜尚書詣御座承旨答曰皇帝孝思至誠
貫於天地受茲徽號感慰良深宣答訖皇帝再拜歸御幄太尉率文武百
僚詣皇太后御座前稱賀侍中承旨宣答訖在位官俱再拜禮畢奏隆安
之樂皇太后降座還幄次樂止侍中奏祥嚴所司放仗文武百僚並再拜
訖退皇帝皇太后還內應內外命婦稱賀皇太后皇帝於內殿在外命婦

及兩京留司官並奉表稱賀明道元年十二月十一日宰臣呂夷簡等拜表請加上尊號曰應元齊聖顯功崇德慈仁保壽皇太后表五上詔答許

二年二月九日太廟恭謝禮畢帝詣天安殿庭跪奉皇太后玉冊授攝太尉宰臣呂夷簡冊文曰嗣皇帝臣稹謹再拜稽首言恭惟荷神器之重者必能充其道措天下之治者乃可饗其尊雖復處羣大猷抑畏先憲用藏功表述隱言外至於體乾之健則四德隨具法坤之順則萬物自光乃知聖人施尊名建顯號有以答四海之望未始闕三神之歡況夫有親之惡有國之典有億衆之勤請有冲人之奉承則鴻敷景燦揭無垠而耿于古不得為身專辭也伏惟應元崇德仁壽慈聖皇太后陛下徇齊懿淑欽明敦大萬覃表乎成德倪天表乎睿姿內輔先帝布昭陰教柔風彷彿大和綢繆惟深以鈎天下之志彌簡而知天下之阻及真廟馮玉縱衣在庭遵揚審訓參錄庶務時惟寡薄嗣膺神統懼德弗類惟天難誣實荷寶慈佐佑玉業於是進者哲熙愷_田士鼓清風阜羣品蒸雲以濡之揭日以照之回霜收電恤獄行之苦金聲玉振制條令之富不愛牲牲以裕於神不刊印劍以寵其勲好直而無翳陳育材而善多士浣衣訓儉程書戒勤出入十年上下一德乃至師兵不試方陸無營一介之使朝服以至穹居丈

壽齋

又

餘之組馳輅而撫西夏蕩然王德無思不服遂能內外有謐憲度具張俗
去奇義民復敦龐蕭勺之和極天而蟠乎地義慈之愛浹肌而淪於髓被
其癘疢內之仁壽百昌蕃蕪而競乎昏作三辰陽明而順乎發歛使眇眇
之簡託王公之上無遺無愆令重雍越成於緝熙於光明諒非諄諄嚅嚅
於此此曩以崖畧上德形容丕稱大功日新與議未愜方今款謁廟祏祇
見祖宗馨香升聞休嘉震動而廊廟文武相臣將臣卿尹帥校家陪蒼艾
仙釋之爭衆要荒之渠長藹然咸造以義園爭食曰備物不膺無以貢天
命謝生不懷無以綏萬國况即舊典創新制則因而易明畧小節著大美
惟稱而後可竊訂茂實以增聖統陛下方復允恭克讓勞謙終吉連極五
請始曰俞哉夫高明資始是之謂應元思齊周達是之謂聖聖鼓舞範圍
是之謂顯功敷施邁種是之謂崇德睦族濟衆是之謂慈仁祈年思永是
之謂保壽臣不勝大願謹遣攝太尉太廟藉田大禮使門下侍郎兼吏部
尚書同中書門下平章事昭文館大學士監修國史呂夷簡上尊號曰應
元齊聖顯功崇德慈仁保壽皇太后伏惟欽受洪冊昭昭迪成功揖道觀妙
授天比崇邁任似之踵武襲黃老之淵宗又安鼎祚以億無窮臣禎域敷
誠忭頌首頓首謹言金寶授司徒禮畢羣臣稱賀 嘉祐八年四月五日

英宗即位改元制曰王化之隆所先者孝治邦典之重莫大乎尊親言念
眇躬獲承聖緒况欽聞於顧命俾祇奉於母儀敢率舊章式陳顯冊大行
皇帝皇后配德宸極比大坤維柔範揚於宮闈徽音流乎天寓輔佐先帝
肅雍固違撫毓冲人愛慈至厚奉加徽攝仰慰慈顏謹上尊號曰皇太后
某合行冊禮令有司檢詳典故以聞五月十二日禮院言皇太后皇后冊
禮請俟三年喪除行禮從之治平二年九月十八日命叅知政事歐陽
修撰冊文并書十一月十六日郊祀禮畢帝詣文德殿庭跪奉皇太后玉
冊授攝太尉宰臣韓琦冊文曰嗣皇帝曙謹稽首再拜言曰臣聞昔者明
王之以孝治天下者非家至而日見之也蓋有要道焉推所以行於己者
為天下率盡所以奉其親者為天下先而四海靡然其承風矣洪惟有宋
受命造邦百年四聖而小子獲承之以繼我仁考之遺休餘烈方與羣公
卿士夙夜以思勉其不逮庶幾如我仁考付畀之意以申罔極欲報之心
固慄慄祇懼不敢違寧者也顧惟眇末之質提攜鞠育慈仁咻煦至於有
成自我聖母嗣位之始哀迷在疚而憂勞艱難一日萬務協和綏靖保佑
扶持功施邦家亦惟我聖母承惟至恩大德無物可稱是用稽參典禮率
籲羣心合志一辭懇懇惓惓不勝大願謹遣攝太尉尚書右僕射兼門下

侍郎同中書門下平章事昭文館大學士監修國史兼詳經潤文使臣韓琦樞密副使尚書禮部侍郎臣胡宿奉玉冊金寶上尊號曰皇太后恭惟皇太后聖善明哲柔閑靜專自正位中宮內助先帝陰禮修而教行儉德著而下化遂及萬國先於正家逮夫玉几受遺屬時多難勉徇勤請權同聽決而明識遠慮動懷謙畏深鑒漢家母后之失訖不踐於外朝及歸政冲人合於易之進退不失其正之聖是為全節鉅美固已超出前古而垂法後世宜乎感烈播於聲詩尊名光於典冊惟未小子獲奉溫清嗚呼罄九州之富以為養未足以盡於孝心饗萬壽之福而無疆其永承於慈訓臣曙誠歡誠忭稽首再拜謹言金寶授樞密副使胡宿禮畢羣臣稱賀 治平四年正月十日神宗即位未改元制曰聖人之制世取俗也莫大乎孝治先王之正國要人也必先於禮經矧惟帝母之尊夙毗王國之化朕紹膺寶祚祇適聖謨恭遵憑几之言深惟置器之重遵行典冊仰奉徽名大行皇帝皇后柔範布於公宮陰教播於天下輔佐先帝賢德內修撫愛朕躬慈訓備至恭加懿號允迪先猷謹上尊號曰皇太后其合行冊禮令有司檢詳典故以聞 熙寧二年正月十四日命叅知政事唐介撰冊文并書 四月二十六日上詣文德殿跪奉皇太后玉冊

授攝太尉樞密使文彥博冊文曰嗣皇帝臣項謹稽首再拜言曰臣聞子
 親生之而恩咻仁煦至於有成其義若天覆無窮極矧眇躬所職以提以
 獲乃至託王公之上而獲承祖宗之餘烈親德所戴不以極隆而愈重數
 欲報之懇願天下無物以稱其大是用率顯衆志順播典禮一辭欣合不
 勝至願謹遣攝太尉樞密使劍南西川節度使守司空兼侍中臣文彥博
 攝司徒右諫議大夫叅知政事臣趙抃奉玉冊金寶上尊號曰皇太后恭
 惟皇太后靜專柔明宣協坤體以承天之順內助英考惇儉德以為陰教
 之冠而世莫不矜式杜私恩以保外家之貴而俾福之長享懿鑠遠慮高
 出前古肆小子續服惟慈訓是慕夙夜_○畏不敢墜繼承之業比見上帝
 告成大禮仰惟我聖母保佑之力於戲奄有九州之富而莫大之德不足
 報萬一孝刑四海之廣而因心之篤不足見彷彿惟是尊名徽冊合乎萬
 壽之無疆未予小子永惟左右之是奉茲惓惓之願臣曙誠惟誠忤頓首
 再拜謹言金寶授攝司徒叅知政事趙抃禮畢羣臣稱賀哲宗元豐八
 年三月七日即任太妃元制曰王者之治國也莫重於禮文人子之事親
 也莫先於孝至期正母儀之位竇基王化之綱顧惟冲人祇紹大統奉受
 同之遺訓崇儷極之徽名申敎攸司答揚盛典大行皇帝皇后化刑四國

教被六宮輔佐先朝東齊明之德撫循菲質致均一之仁恭迪聖猷奉加
美稱謹上尊號曰皇太后四月四日羣臣賀尊皇太后拜表如儀 八日
禮部言皇太后冊請三年喪畢行禮從之 元祐二年二月六日命門下
侍郎韓維撰冊文并書 九月七日發冊寶於文德殿冊文開 徽宗崇
寧二年二月七日制曰朕獲承至尊嗣有令緒顧我烈考寔能配天念茲
哲宗弗克與子遂揚末命肆及眇躬載惟付託之大恩實有謏謀之初議
誕揚顯冊播吉治朝元符皇后劉氏端一誠莊柔明懿淑謹鳴玉佩環之
度廣友琴流衍之仁天下從風則有化家邦之道禁中定策則有安社稷
之功宜極褒崇以彰報稱尚循近比乃復曠時適憲府之建言俾曲臺之
論定蓋以弟及之義實從於兄母貴之因亦繫其子既冊命已加於獻慈
則典章當視於慈徽用斟酌於情文爰進陞於位號備增儀物崇建宮庭
以盡友恭之心以明繼述之志於戲禮由義起率因事以制宜名與功偕
斯顯庸而揆實惟德尊者物必稱而施重者報亦隆其茂對於閔休以永
綏於遐福可進號太后仍令有司擇日備禮冊命 四月二十五日詔太
后受冊寶信並依皇后禮制仍以五月二十八日上御文德殿遣攝太尉
宰臣蔡京攝司徒門下侍郎許將侍郎冊命太后冊文曰皇帝若曰為天

下國家者蓋親親而貴貴親親有仁而優以恩貴貴有禮而叙以位此帝王之通制而古今之共線者也義有所起朕其可忘咨爾元符皇后劉氏夙以內德事我昭考而徽懿莊淑積有顯聞化行恭儉祥發震育乃正坤極以母天下憂勤輔佐帝實允賴建授神器屬於朕躬而導揚未命乃實與焉厥功茂矣朕躬念先朝弗克與子唯獻慙之贈既視青宮而春秋之意毋以子貴遂進厥號於事為稱斟酌其中斷自朕心蓋以對越在天之神而成朕友恭敦報之志也况復羣議來上僉謀率同諏辰孔嘉儀物具備今遣攝太尉右光祿大夫守尚書左僕射蔡京攝司徒左銀青光祿大夫守門下侍郎許將持節冊命爾為太后夫以貴名綽典竄無比隆惟益惠迪以茂膺斯命惟受茲福尊榮顯融以克保綏於永年惟益邵乃德以儀刑六宮光於家邦尚俾永世有譽而無數豈不偉歟哲宗元豐八年三月七日制曰朕蒙休光帝美錫我家欽聞憑几之音付昇承祧之託眷言邦媛久侍宸闈俾序進於寵名敢忽忘於天下德妃朱氏發祥慶系協德後庭祇慎兩宮不遺於盟儲帥循四德居念於保阿實生冲人獲紹正統申隆懿號用契舊章謹加上曰皇太妃四月四日羣臣賀尊皇太妃拜表如儀八日禮部言尊皇太妃冊請三年喪畢行禮從之元祐二年二月

六日命尚書左丞李清臣撰冊文九月七日發冊寶於文德殿冊文闕
淳熙十四年十月十二日詔上皇太后尊號詔曰王者丕揚孝道稽古聖
之格言尊奉母儀憲累朝之茂典蓋所以廣思齊之化崇內治之風矧祇
迪於遺謨俾率循於天下敢當昧旦正鴻名壽聖齊明廣慈備德太上
皇后順則乾元章明坤載佑我昭考周旋五紀之間拊予冲人紹承四海
之重至德光乎鴻潤仁恩播於周京徽稱之崇慈闈有耀謹上尊號曰皇
太后合行典禮令有司檢詳典故以聞先是十月八日提點德壽宮張宗
尹王寔言德壽宮提點等處應得舊例并合經由本官裁處事務並奏取
皇太后聖旨施行如干預外庭事乞取旨施行從之十一月二十二日
禮部太常寺言令檢照國朝典故神宗朝元豐八年四月八日禮部言尊
皇太后冊請三年喪畢行禮從之今來上皇太后尊號合行典禮乞依上
件典故候三年喪畢行禮詔恭依 紹熙元年正月一日詔壽聖齊明廣
慈備德太上皇后恭上尊號曰壽聖皇皇太后冊寶禮例詳附重華宮尊
號門親屬與太殿官吏等各推恩有差 四年八月七日詔壽聖皇太后
聖壽無疆來歲八十邦家大慶可令有司討論典禮來上 十七日禮部
太常寺言奉詔討論壽聖皇太后慶壽典禮參照淳熙十二年禮例先加

上尊號後行慶壽禮今欲以九月十二日宰執侍從臺諫兩省官集議尊號於尚書省議畢令學士院降詔以九月二十四日宣布加上尊號冊寶欲用十一月冬至行慶壽禮用新歲元日並從之二十八日禮部太常寺言今來加上壽聖皇太后尊號冊寶并沿冊寶法物制度令工部下文思院參照昨逐次加上壽聖皇太后尊號冊寶制度修製施行從之行禮服御百僚服色終授冊寶宿衛儀仗宮架樂鼓吹並如逐次上尊號之制詳見重華宮尊號門九月二日詔將來修製加上壽聖皇太后尊號冊寶行禮都大主管官差降授武顯大夫明州觀察使新除入內侍副都知楊舜卿仍以都大主管所為名十六日詔加上壽聖皇太后尊號冊寶攝太傅并禮儀使及撰冊差右丞相葛邲太傅禮儀使尋以邲免改命左丞相留正攝侍中并書冊差知樞密院事趙汝愚攝中書令奉冊并篆寶差叅知政事陳騤前導禮儀使并奏禮畢差同知樞密院事余端禮同日右丞相葛邲知樞密院事趙汝愚叅知政事陳騤同知樞密院事余端禮翰林學士李燾權兵部尚書羅點權刑部尚書京鏗戶部侍郎趙彥逾禮部侍郎倪思權吏部侍郎沈揆權工部侍郎謝深甫太常少卿薛叔似起居郎接鑰起居舍人陳傳良侍御史張叔椿左司諫章穎右正言黃

又監察御史曾三復楊大澧黃度宗正丞兼權禮部郎官鄭公顯太常博士邵康太常主簿張青謨等集議於尚書省請加上壽聖皇太后尊號曰壽聖隆慈備福皇太后詔恭依二十四日詔曰門下朕續熙洽之圖遵愛欽之訓躬修孝養展誠意於重闈各舉慶儀介壽祺於八帙爰輯金辭之進預申顯號之登壽聖皇太后妙廣坤元崇昭母道克門啟瑞珣成立極之勲京室揚徽懋迪思齊之行方安冲澹深享延長欣日御於常珍期仰陳於善頌承聖父寧親之樂行皇家奕世之休欲闡尊榮敢稽褒讚惟意是實隆實冠於千齡以福為名備蓋彰於百順將選迎長之吉用伸奉上之恭繫盛典之具行諒歡心之咸得壽聖皇太后宜加上尊號曰壽聖隆慈備福皇太后其令有司詳具儀注朕當親帥羣臣詣慈福宮奉上冊寶二十五日禮部太常寺言將來加上壽聖皇太后尊號欲乙是日迎奉冊寶至重華宮以俟內侍官舉冊寶入詣慈福宮行禮從之二十九日禮部太常寺言加上壽聖皇太后尊號金寶一紐欲以壽聖隆慈備福皇太后寶為文從之十一月八日詔奉上冊寶依禮例用鼓吹導引更令臨安府差樂人一百人自祥曦殿門外作樂導引冊寶至重華宮同日詔今月二十日車駕詣慈福宮奉上尊號冊寶畢從駕臣僚并儀衛等

並簪花從駕還內 九日詔加上尊號冊寶差行禮官押冊案吏部侍郎
一員工部尚書趙彥迪押寶案禮部侍郎一員翰林學士兼侍讀李獻泰

中嚴外辦禮部侍郎二員權兵部尚書兼權吏部尚書羅點侍御史張叔
椿進接主殿中監一員 權刑部尚書兼侍講京瑄導冊寶太常卿權工部

侍郎兼權給事中謝深甫舉冊官二員起居郎兼權中書舍人樓鑰起居
舍人兼權中書舍人陳傳良舉寶官二員右司諫章珪右正言兼侍講黃

艾奏解嚴禮部郎中二員監察御史曾三復揚大灝太常博士三員贊引
太傅太常丞魚樞都官郎官呂集贊引前導禮儀使太常主簿張貴洪贊

引太常卿太常博士邵康押樂太常卿太常少卿應璩仁協律郎監察御
史黃度前導皇帝行禮知閣門事兼客省四方館事兼樞密副都承旨吳

璠知閣門事兼客省四方館事兼照義進中嚴知閣門事兼客省四方館
事兼既曾進外辦兼進解嚴權知閣門事兼客省四方館事劉攽 同日

詔差行禮內侍官讀冊王翕讀寶楊詔先尚宮奏請前導謝恩承旨宣各
王湊司言前導劉信之前導奏請皇帝行禮黃汝霖徐孝叔蔣安常楊榮

顯進接大主李大謙前導壽聖皇太后張延禧吳思義舉冊何靖羅元璋
充弼任嘉謀張從政劉世修舉寶張謙張評陸洞李樾舉冊案任資深李

銜法郎俊于忠正舉寶案吳惟忠鄒安祖贊引張珩 十七日為加上壽
聖皇太后尊號冊寶行禮前三日奏告天地宗廟社稷宮觀二十日加上
壽聖隆慈備福皇太后尊號冊寶前一日有司設御幄於大慶殿御屏風
後之西行發冊寶之禮儀法滿載于重華宮尊號門其日早慈福宮設壽
聖隆慈備福皇太后座於慈福殿南向俟大慶殿前發冊寶禮畢禮部率
輦官捧擎冊寶進行儀仗鼓吹振作儀衛等以次後衛太常博士太常卿
舉冊舉寶官吏部禮部侍郎步導太傅侍中中書令步從至和寧門外太
傅以下皆上馬導使至重華宮門外步導步從至重華宮殿門外權置定
儀仗鼓吹儀衛等分列於宮門之內外樂正帥工人以次入贊者引押樂
太常卿協律郎入就位舉冊官舉冊興中書令奉冊舉寶官舉寶興侍中
奉寶吏部侍郎押冊案禮部侍郎押寶案先詣殿上褥位北向置定少退
立太常博士太常卿前導冊寶進行入殿門宮架作正安之樂太常博士
引太傅後從至殿下樂止冊寶陞殿宮架作聖安之樂置冊寶於案訖樂
止中書令侍中舉冊舉寶官太傅以下並少立舉冊寶內侍舉冊寶興舉
冊寶案內侍舉案先入詣慈福宮壽聖隆慈備福皇太后座前東褥位西
向置定太傅以下俱降階歸幕次以俟拜殿表都大主管官前導冊寶進

行宮架作正安之樂舉冊寶內侍置冊寶於案樂止俟皇帝至重華宮殿
上降輦入詣慈福宮易服通天冠絳紗袍內侍跪進大圭皇帝執大圭詣
壽聖隆慈備福皇太后座前北向褥位立內侍引司言司言引尚宮尚宮
引壽聖隆慈備福皇太后出閣宮架作坤安之樂陞座樂止皇帝再拜躬
奏萬福又再拜訖退詣座之東褥西向褥位立舉冊內侍舉冊興宮架作
聖安之樂次舉冊案內侍舉案置於壽聖隆慈備福皇太后座前褥位北
向置定內侍跪進冊於案樂止次讀冊內侍北向立舉冊內侍跪舉冊讀
冊內侍跪讀冊文曰皇帝臣燾謹稽首再拜言臣聞維宋受乾命德茂
坤極咸以顯聞克配祖烈率時令範詒憲有家亦維累聖承緒章明孝治
崇闡懿鑠以濟登茲肆皇祖紹隆炎運則有淑哲與聖作合積仁流澤燕
及世嗣靈時休哉若昔文王太姜之孫大任之子詩義大任上嘉太姜列
在周雅傳誦不泯矧我大母壽絲八表身見三世再逢揖遜四上寶冊稽
諸往牒迺無前聞衍徽稱舉禱儀於以侈大慶而章盛德其可已乎恭惟
壽聖皇太后莊正靜淵恭儉仁惠夙有全行儼尊匹休厥初中興外虞畧
平內治當飭時則助我皇祖躬帥九御祇奉慈寧夙夜輔佐訖底綏靖帝
勛已成神器有託時則贊我皇祖法克禪圖脫屣萬乘高蹈少廣宴樂大

庭重華御邦日嚴至養調虞其間兩宮愉怡以恩以禮有慈有孝越茲冲人獲以菲質誕受舜禪尊若異訓亦克用乂揆厥所元繫聖祖母保佑是賴其昌敢弗欽永惟愛焉者報宜厚道大者名必聞迺考國章率額衆志將以元日上萬歲壽於東朝先卜初陽奮揚馨烈庶以慰億兆人之望臣不勝大願謹奉玉冊金寶加上尊號曰壽聖隆慈備福皇太后夫老氏三寶慈居其先戴經百順福欲其備竊惟殿下與坤元合德而無一物之不成不曰慈之隆乎與太極同體而無一事之不順不曰福之備乎萃厥二美固已揭之宮名昭示天下矣今者申輯閤休增崇丕號又孰有大於此者乎伏願殿下對越嘉會昭迪令猷協海宇之惟心襲宮闈之重慶永膺壽域綏於聖父以施於孫子同垂萬世無疆之休豈不趕歟臣誠歡誠忭稽首再拜謹言讀訖伏興舉冊內侍奠冊舉冊興并冊案退各復位次舉寶內侍舉寶興宮架作聖安之樂舉寶案內侍舉案置於壽聖隆慈備福皇太后座前北向褥位置定內侍跪進寶於案樂止次讀寶內侍北向立舉寶內侍跪舉寶讀寶內侍跪讀寶寶以壽聖隆慈備福皇太后為文讀訖皆如上儀退復位皇帝詣壽聖隆慈備福皇太后座前北向褥位立尚宮奏請拜皇帝再拜伏跪奏皇帝臣燉稽首言伏惟壽聖隆慈備福

皇太后殿下深仁衍慶顯號增崇家國均歡古今盛美俛伏興又再拜內侍承壽聖隆慈備福皇太后旨宣答曰皇帝來陳寶冊昭衍尊名聖孝日崇寶增丕慶皇帝又再拜退詣座之東西向稱位立內侍詣壽聖隆慈備福皇太后座前跪奏禮畢壽聖隆慈備福皇太后降座宮架作坤安之樂入閣樂止內侍前導皇帝退釋大主內侍跪受大主訖皇帝易執袍詣重華宮賀至尊壽皇聖帝壽成皇后如宮中之儀次軍執率文武百僚詣重華殿下稍西拜賀壽聖隆慈備福皇太后次移班拜表賀至尊壽皇聖帝次移班拜表賀壽成皇后訖退儀仗鼓吹儀衛以次退應從駕臣僚侯帝次移班拜表賀壽成皇后訖退儀仗鼓吹儀衛以次退應從駕臣僚侯從駕還內 二十四日軍執率文武百僚詣文德殿拜表稱賀 二十九日詔修製如上壽聖隆慈備福皇太后尊號冊寶禮畢依淳熙十二年紹熙元年奉上尊號冊寶體例等推恩內白身人候有名目日特非轉官收使郡大主官官賜拜卿承受官張彥臣合轉兩官吏部奏以礙止法詔各興轉行一官餘該冊寶轉兩官人準此 五年六月十六日內降詔曰門下朕續列聖之緒固敢弗欽奉重闡之尊惟懼不稱比以慈宸之孝未崇祖后之隆名茲舉舊章實循大卞壽聖隆慈備福皇太后功俾太極德配高皇蚤輔中興之勲母儀四海存參內禪之烈福備三朝顧惟菲躬嘗加

徽稱敦揚玉几之命載藏瑤編之儀謹上尊號曰壽聖隆慈備福太皇太后合行典禮令有司檢詳典故以聞慶元二年十月三日恭上壽聖隆慈備福太皇太后尊號曰壽聖隆慈備福光佑太皇太后冊文右丞相京師書俱家寶知樞密院事鄭倫詔曰朕躬修孝道務協禮經奉三朝母儀之崇必極推尊之典合萬國人心之願少伸歸美之誠增衍鴻名預頒明詔壽聖隆慈備福太皇太后道光太極德廣重坤胥宇同功丕贊中興之業補天契妙婁參內禪之謨冲虛自適於性貞安樂方延於壽祉屬聖父倦勤之際命菲躬副服之初率慈訓之累承荷深仁之覆雖殫至養念莫報於隆恩茂闡徽音宜亟加於顯號以着輝光之盛以昭保佑之休尚需吉制之行首備緡儀之舉邦家之慶臣子攸同同日奉上壽聖隆慈備福光佑太皇太后壽成惠慈皇太后尊號冊寶前一日有司設御幄於大慶殿御解後之西行發冊寶之禮儀注開載于壽康宮尊號門其日早慈福宮設壽聖隆慈備福光佑太皇太后座於本殿南向壽慈宮設壽成惠慈皇太后座於本殿南向俟大慶殿行發冊寶禮畢禮部率輦官於大慶殿門外沐擊壽聖隆慈備福光佑太皇太后壽成惠慈皇太后聖安壽仁太上皇帝壽仁太上皇后冊寶進行儀仗鼓吹振作儀衛等從行太常

博士太常卿舉冊舉寶官吏部禮部侍郎步導太傅侍中中書令步從至和寧門外壽康宮冊寶於和寧門外帷次權行安設訖內儀仗儀衛各分一半於帷次前排立太傅以下皆導從慈福宮壽慈宮冊寶都太主官官往承順宮至慈福宮門外步導步從至慈福宮殿門外權置定儀仗鼓吹儀衛等分列於慈福宮門之內外樂正帥工人入押樂太常卿協律郎入就位舉冊官跪舉壽聖隆慈備福光佑太皇太后冊興中書令奉冊吏部侍郎押冊案外西階奉冊寶行禮等官外降皆自西階先詣殿上褥位北向置定少退立舉寶官跪舉壽聖隆慈備福光佑太皇太后寶興侍中奉寶禮部侍郎押寶案先詣殿上褥位北向置定少退立舉冊官跪舉壽成惠慈皇太后冊興吏部侍郎押冊案先詣殿上褥位北向置定少退立舉寶官跪舉壽成惠慈皇太后寶興禮部侍郎押寶案先詣殿上褥位北向置定少退立禮直官太常博士太常卿前導冊寶進行入殿門作正安之樂太常博士引太傅從從至殿下樂止冊寶外殿作聖安之樂至殿上跪置冊寶於案訖樂止中書令侍中舉冊舉寶官興太傅以下並少立舉冊寶內侍跪舉慈福宮冊寶興舉冊寶案內侍跪舉冊寶案興先入詣慈福宮壽聖隆慈備福光佑太皇太后座前稍南在東褥位西向置定舉冊寶

內侍跪舉壽慈宮冊寶興舉冊寶案內侍跪舉冊寶案興先入詣壽慈宮
壽成惠慈皇太后座前稍南在東褥位西向置定太傅以下俱降階各歸
幕次以俟拜殿都大主管官前導冊寶進行作正安之樂冊寶入宮舉冊
寶內侍各置冊寶於迓殿冊寶案樂止興都大主管官往奉照管俟皇帝
自後殿服靴袍出來輦出和寧門將至慈福宮文武百僚迎駕奏聖躬萬
福訖權退如值雨露濕襪免冊寶下行禮官免奏聖躬萬福以俟立班拜
殿俟皇帝至慈福宮殿上降輦入詣慈福宮服通天冠絳紗袍內侍前導
皇帝內侍跪進大圭皇帝執大圭詣壽聖隆慈備福光佑太皇太后座前
褥位北向立內侍引司言司言引尚宮尚宮引壽聖隆慈備福光佑太皇
太后出閣作坤安之樂升座樂止皇帝再拜訖奏萬福訖又再拜訖退詣
壽聖隆慈備福光佑太皇太后座之東褥位向立舉冊內侍跪舉冊興作
聖安之樂舉冊案內侍舉冊案置於壽聖隆慈備福光佑太皇太后座前
褥位北向置定立內侍跪進冊於案樂止舉冊內侍興少立讀冊內侍北
向立舉冊內侍跪舉冊讀冊內侍跪讀冊冊文曰皇帝臣擴謹稽首再拜
言曰臣聞章猷有保護仁皇之恩故尊稱上於明道臨政之始昭慈有
親立光先之績故鴻名揭於建炎登極之初蓋不能忘者宗社蒙賴之訓

不容已者國家推崇之典矧我太母既施於冲入者靡不備至朕章獻昭
慈有光焉自續紹丕圖欲少伸報效而緝儀未舉顯號未增寧非今日之
曠禮歟恭惟壽聖隆慈備福太皇太后德全淑哲性秉柔明沙麓儲靈風
符夢月之兆洽陽鍾氣蚤示倪天之祥來嬪高宗為宋聖后方化龍渡江
時未底於寧謐則同濟於艱難及息馬論道邦已臻於嘉靖則相成於寧
戒遠三聖法光臨舜倦勤與子則又家參內禪之謨迹其均若淡更險夷
以丕贊中興則啟夏之塗山也調滑甘肅顏色以祇奉慈寧則媚姜之大
任也恭儉而寡嗜好謙肅而多誦讀則漢之光烈明德也獻規而有惟體
著論而抑外家則唐之太穆文德也至於年過八喪而福本彌固身歷四
朝而母儀益彰三達揖遜之盛時六受尊崇之大典九州四海極其奉養
三宮四殿恃其調虞則又窮古亘今見所未有臣猥以眇質獲侍重闈誕
膺聖父神器之傳悉本太母慈訓之稟故踐位以來大懼涼薄無以欽承
畀付之重寡昧無以仰答生成之隆輒遵昭代之憲章博採羣工之頌述
發揚景鑠衍著徽稱以殫臣子之微誠以侈邦家之大慶雖洪造不容於
摹寫然閱休或可以鋪張永惟高世懿行輝映簡編將赫赫明明而不泯
不曰尤子啟後大功又安宗祐將繼繼承承而不替不曰佑乎臣不勝大

願謹奉玉冊金寶加上尊號曰壽聖隆慈備福光佑太皇太后欽惟殿下
福兮方至之川壽兮不老之椿與乾坤以齊久居宇宙而獨尊億載萬年
永保我子孫黎民讀訖伏興舉冊內侍奠冊舉冊興并冊案退復位讀
冊內侍退復位舉寶內侍跪舉寶興作聖安之樂舉寶案內侍舉寶案置
於壽聖隆慈備福光佑太皇太后座前褥位北向置定立內侍跪進寶於
案樂止舉寶內侍興少立讀寶內侍北向立舉寶內侍跪舉寶讀寶內侍
跪讀寶寶以壽聖隆慈備福光佑太皇太后寶為文讀訖伏興舉寶內
侍奠寶舉寶興并寶案退復位讀寶內侍退復位次前導皇帝詣壽聖隆
慈備福光佑太皇太后座前褥位北向立尚宮奏請拜皇帝再拜伏跪
奏皇帝臣擴稽首言伏惟壽聖隆慈備福光佑太皇太后殿下燕詔德遠
翼擁恩深疊貢號歲永綿福佑伏興又奏請拜皇帝再拜訖內侍詣壽
聖隆慈備福光佑太皇太后座前承壽聖隆慈備福光佑太皇太后旨退
西向答曰皇帝陳儀授綬登號輝華備體愛欽益深喜懌又奏請拜皇帝
再拜訖退詣壽聖隆慈備福光佑太皇太后座之東褥位西向立內侍詣
壽聖隆慈備福光佑太皇太后座前伏跪奏禮畢奏訖伏興壽聖隆
慈備福光佑太皇太后降座作坤安之樂入閤樂止內侍前導皇帝退釋

大圭內侍跪受大圭跪皇帝詣壽慈宮內侍前導皇帝內侍跪進大圭皇帝執大圭詣壽成惠慈皇太后殿行加上尊號冊寶並如慈福宮之禮稱賀致詞皇帝臣擴稽首言伏惟壽成惠慈皇太后殿下層闈並壽鏤冊貢徽家國榮懷天人叶喜宣答詞曰壽成惠慈皇太后聖旨皇帝八鑒節衛百禮崇容來奉慈徽深嘉恭愛禮畢宰執率文武百僚常服詣慈福殿下拜牋賀壽聖隆慈備福光佑太皇太后移班拜牋賀壽成惠慈皇太后如拜表之儀訖太傅以下行禮官并儀仗鼓吹儀衛等先赴和寧門外幄次前俟太傅以下行禮官換朝服訖導從冊寶至壽康宮幄次權退應從駕臣僚免奏萬福以俟從駕至壽康宮行奉上尊號冊寶之禮二十二日詔壽聖隆慈備福光佑太皇太后加上尊號冊寶禮畢本殿官吏并親屬並特與轉一官資令先次開具職名申尚書省三年三月十六日詔壽聖隆慈備福光佑太皇太后冊寶禮畢親屬內姪女咸安郡夫人吳氏咸寧郡夫人姪婦新安郡夫人雷氏韓氏並加封國夫人姪淑人趙氏加封郡夫人姪婦三人姪孫女一十三人曾姪孫女二人親屬韋氏潘氏陸氏張氏左氏王氏周氏周氏張氏王氏吳氏內已有封號特與加封未經封號並與初封

慶元二年十月三日恭上壽成皇太后尊號曰壽成惠

慈皇太后冊文知樞密院事鄭僑書樞密參知政事謝深甫 詔曰朕
祇膺慈訓嗣守慶基尊奉重闈務愛欽之備至增崇丕號在典禮以必嚴
爰協僉祥茂揚懿樂壽成皇太后德全博厚性本靜專佐內治於熙朝是
基王化贊親傳於奕世允賴母儀方安色養之榮深介壽祺之永惕惟菲
質實荷深恩願殫歸報之誠益盡推崇之美曰惠以顯乎至順曰慈以昭
乎至仁奉寶冊以進登將行吉旦輯廷紳而播告慈用先期繫孝道以式
孚庶歡心之咸得 嘉泰二年十二月四日恭加上壽成惠慈皇太后尊
號壽成惠聖慈祐太皇太后冊文右丞相謝深甫撰參知政事陳自強書
篆寶參知政事張巖 詔曰朕欽承聖緒獲奉重闈誦萬有千歲壽母之詩
仰隆謀之詒燕播五三六經載籍之誼鑲寶牒以垂鴻軌遠古之彌文赫
丕天之大律嗣消設旦前詔多方壽成惠慈太皇太后衍慶曾沙怡神少
廣萬國咸蒙於子惠聖以何如三朝寅仰於母慈祐于我後逢堯舜禹之
內禮鬯姜任姒之徽音天地有美而不言詎可一詞而盡甲子既周而復
始有開七袞之祥顧眇躬夙荷於深恩極天下莫伸於美報苦稽邦憲宜
衍號榮詔掌故以陳儀輯頌臺而訂議陋漢家長信之故事茂著於徽稱
因慶元初載之隆名愈騰於茂實恪伸丹懷恭稟俞音洋洋乎帝者之上

儀璽增光於祖烈欣欣然百姓有喜色諒參穆於輿情以迎滋至之休以
篤無疆之祐咨爾衆庶體予愛欽壽成惠慈太皇太后宜恭上尊號曰壽
成惠聖慈祐太皇太后其令有司詳具儀注朕當親率羣臣詣壽慈宮奉
上冊寶 雜錄 紹熙五年八月十一日皇太后該遇大禮聖節生辰各
合得親屬恩澤令有司依格執行 慶元二年十月十三日奉上壽成惠
慈皇太后尊號冊寶儀注載於慈福宮冊文曰皇帝臣擴謹稽首再拜言
曰臣聞隆古之君曰堯舜禹同道相禪而不同姓宗周之后曰姜任如周
德相繼而不同時書紀其盛詩詠其美後代仰望不可及已逮我國家遠
過於是中興以來父子揖遜今歷四朝姑婦並處今見四世皇乎哉視書
所紀為盛之極擬詩所詠為美之至者也顧惟冲菲親紹丕祚虞侍慈闈
方茲包采甫行鴻名以尊崇我重慶之懿曷敢不推原極盛至美之所由
來哉恭惟壽成皇太后殿下道柔而正德靜而方席慶華宗儔尊烈祖躬
節儉之本服澣濯之衣后家之恩法所宜優也力請裁削至於再三后膳
之品禮所宜備也深務抑損期於寢免惟是輔佐君子夙夜謙勤修陰教
以厚人倫倡內則以基王化家齊國治大業升平首質宸謀蚤傳聖嗣陪
重華之清燕承慈福之歡顏婦範母儀具全家法誠表孝行動協禮經天

錫壽期如川方至臣初受內禪斷於太上成於太皇亦惟我太后同力是保是佑恩隆德博盡萬物不足以報乃消良月乃舉禋容徽稱載新庶幾揚厲之萬一焉夫坤道尚順惟順故惠家道尚愛惟受故慈虞書以惠為吉豈非天下之所同慶乎老氏以慈為寶豈非天下之所同貴乎臣不勝大願謹奉玉冊金寶加上尊號曰壽成惠慈皇太后伏惟殿下對此熙洽晏於壽慈受四海之至養膺一時之上儀日奉皇姑雍睦愉怡萬有十歲我子孫其永賴之寶曰壽成惠慈皇太后寶 二十二日詔壽成惠慈皇太后加上尊號冊寶禮畢本殿官吏并親屬並持與轉一官資令先次開具職位姓名申尚書省 三年正月十八日宰執進呈內批壽成皇太后外親盧璋等補承信郎謝氏等封恭人京鏗等奏壽聖外親止補進義校尉婦人止該初封上曰如此則反重矣遂降旨依太皇太后外親例 四年十二月十三日詔壽成惠慈皇太后親妹嘉國淑惠柔懿莊順夫人謝氏特轉嘉國淑惠柔懿莊順恭溫夫人 五年正月九日詔安慶軍承宣使提舉佑神觀吳回差充壽慈宮提舉 十月二十一日詔慈福宮提舉所提點所并提轄造作見祇應使臣人吏諸色人並係已經裁減人數將來撥兀筵畢各依元名色並就改差充壽慈宮祇應理任清給酬獎差取

並依德壽宮重華宮慈福宮前後已得指揮體例施行 六年閏二月二十六日車駕詣壽慈宮起居進香 三月六日壽成惠慈皇太后生辰車駕詣壽慈宮起居上壽 八月十五日內降詔曰朕仰承慶緒祇奉層闈道極愛欽本列聖相傳之懿禮嚴尊奉冠冕朝晟盛之稱肆舉徽章式循天下壽成惠慈皇太后英娥媿德任姒傳音恭儉流風風助重華之化慈仁垂裕密參太極之功燕頤衍慶於三宮贊禮增輝於再世比載瞻於北內盡加異於東朝爰稽長信之隆名丕顯壽康之末命庶崇彝訓益展孝誠謹上尊號曰壽成惠慈太皇太后合行冊禮令有司檢詳典故以聞

十月十一日禮部太常寺言奉詔壽成惠慈皇太后謹上尊號曰壽成惠慈太皇太后冊禮乞依淳熙十四年禮例候三年喪畢行禮詔恭依 嘉泰元年六月三日詔壽成惠慈太皇太后姪女謝特封壽國夫人 十一月一日詔鎮江府顯親勝果寺修壽成惠慈太皇太后功德寺特與蠲免科數借借及官員指占安泊仍閬州縣不許差使壩寺占破擺鋪軍兵宣借兵士等人 二年八月二十八日詔壽成惠慈太皇太后加上尊號令有司前期參照典禮集議以聞先是慶元六年十月有上尊號之旨適以光宗尚在殿構禮寺言國朝典故候三年之制畢行禮至是復有此詔

九月十三日宰執進呈次右丞相謝深甫等奏太皇太后加上尊號合以
惠慈二字加作四字禮官所擬惟有惠聖慈祐四字可以形容太皇太后
聖德上曰聖字為重深甫等奏誠如聖訓禮官擬到尊號乞留中取聖裁
次日深甫等奏昨日所擬太皇太后尊號未知孰合聖意上曰惠聖慈祐
字既典重且便稱呼深甫等又奏臣等恭依聖旨集議加上壽成惠慈太
皇太后尊號壽成惠聖慈祐太皇太后詔恭依令學士院降詔擇日宣布
十二月二日詔右丞相謝深甫撰冊叅知政事兼知樞密院事陳自强
書冊叅知政事張巖篆寶四日詔來加上壽成惠慈太皇太后尊號冊
寶攝太傅奉上册寶右丞相謝深甫攝侍中奉寶叅知政事兼知樞密院
事陳自强攝中書令奉冊叅知政事張巖前導禮儀使并奏禮畢同知樞
密院事來說反押冊案吏部侍郎吏部尚書兼給事中費士寅押寶案禮
部侍郎吏部侍郎張伯瑛奏中嚴外辦禮部侍郎秘書監兼權吏部侍郎
曹瑛卿前奏中書舍人王容前導冊寶太常卿兵部侍郎虞倚舉冊起居
郎兼權刑部侍郎林采起居舍人曹炎舉寶殿中侍御史張澤右正言鄧
友龍押樂太常卿太常少卿薛紹奏解嚴禮部郎中監察御史李景和御
前奏監察御史朱欽則太常博士贊引太傅宗正少卿顏敏贊引前導禮

儀使司農卿兼權戶部侍郎葉萇贊引太常卿太府少卿兼權戶部侍郎王遂協律郎單若少監兼知臨安府李澄大慶殿前導行禮進中嚴外辦兼進解權知開門事張時修 同日詔差壽慈宮內侍奉冊置於座前吳回奉寶置於座前王思誠讀冊宋安世讀寶何儀尚宮奏請前導楊旦同日工帥文武百僚詣壽慈宮恭請如壽成惠慈太皇太后前一日設御幄於大慶殿御屏風後之西設冊寶幄於大慶殿當中南向設皇帝褥位三一於殿上冊寶幄之東一於殿下當中面冊一於殿下當中南向又設以冊寶授太傅褥位一於殿下當中太常設宮架樂於殿庭協律郎押樂太常卿有位於宮架之西設又設置冊寶褥位四二於殿下南向冊東甬西二於殿下東階之東西向冊南甬北太傅侍中中書令吏部侍郎舉冊舉寶官太常卿太常博士各有位於殿之東西階下是日儀仗鼓吹列於殿門外禁衛等列於殿庭前導官禮儀使開門官太常博士分立於御幄前之左右皆自西階陞立於冊寶幄之西東向皇帝服執袍入街幄易通天冠絳紗袍開門官禮部侍郎奏請中嚴外辦太常博士引禮儀使奏請皇帝恭行發壽成惠慈太皇太后尊號冊寶之禮前導官導皇帝出幄殿中監跪進大圭皇帝執大圭殿中監進大圭訖詣東階上西向少立

以侯禮畢授大主詣殿上冊寶幃前褥位西向立舉冊官入幃舉冊中書令奉冊吏部侍郎押冊案次舉寶官入幃舉寶侍中奉寶禮部侍郎押寶案凡舉冊寶并蓋冊寶於案皆禮部職掌助舉太常博士太常卿前導冊寶侍中中書令奉冊寶降自西階皇帝步從至殿下褥位南向置定侍中中書令吏部侍郎舉冊舉寶官各詣東階下褥位西向立太常博士太常卿前導皇帝至殿下冊褥位立禮儀使奏請皇帝再拜興儀曰再拜贊者承傳在位官皆再拜訖內應行事執事應奉官不拜舉冊官前舉冊吏部侍郎押冊案先詣皇帝褥位前置定中書令前奉冊進行置於案吏部侍郎中書令退復西向立舉冊官少立太常博士引太傅詣受冊褥位東南向側身俛伏跪舉冊官跪舉冊皇帝揖大主跪捧冊授太傅受冊皇帝執大主俛伏興太傅興舉冊官舉冊與太傅奉冊於殿東階下褥位西向跪置冊於案太傅受冊寶皆禮部先舉冊寶案詣殿東階下褥位西向置定舉冊官退立冊案之後太傅立於冊案之側西向次舉寶官舉寶禮部侍郎押寶案先詣皇帝褥位前置定侍中奉寶進行置於案禮部侍郎侍中退立於殿東階下西向立舉寶官少立太常博士引太傅詣受寶褥位東南向側舉寶官舉寶皇帝揖大主跪捧寶授太傅太傅奉寶於東階西

向褥位置寶於案太傅已下並退立於殿東階下褥位西向皇帝詣殿下
當中南向褥位少立舉冊舉寶官舉冊寶與吏部禮部侍郎押冊寶案太
常博士太常卿前導冊寶太傅侍中中書令後從冊寶出大慶殿正門至
殿門外捧冊寶於腰昇初冊寶出禮儀使奏禮畢皇帝陞自東階至御幄
禮儀使奏請皇帝釋大主殿中監跪受大主皇帝入御幄簾降閣門官禮
部郎中奏解嚴皇帝服靴袍還內文武百僚以次退內合導從冊寶官并
從駕臣僚並俟導從冊寶并從駕其不該導從駕官並先赴壽慈宮次詣
壽慈宮奉上冊寶前期有司設壽成惠聖慈祐太皇太后座於壽慈殿南
設大小次於壽慈宮大門內及殿廊又設權置冊寶幄於大門內皇帝褥
位二於殿上稍東北向行禮官殿上下皆有位宮架樂如大慶殿之儀大
慶殿禮畢禮部率筆官捧擎冊寶進行儀仗鼓吹振作儀衛等以次援引
從行太常博士太常卿舉冊舉寶官吏部禮部侍郎步導太傅侍中書令
步從至和寧門外太傅以下皆上馬導從都大主管官往來照管至壽慈
宮門外步導步從至冊寶幄次權設訖儀仗鼓吹儀衛等分列於宮門之
內外文武百僚入就位東西相向立舉冊官舉冊中書令奉冊吏部侍郎
押冊案奉冊寶行禮等官皆陞自西階舉寶官舉寶侍中奉寶禮部侍郎

押寶案並先詣殿上褥位北向置定少退立太常博士太常卿前導冊寶
進行入殿門太傅後從至殿下冊寶陞殿置冊寶於案中書令侍中舉冊
舉寶官太傅以下並少立舉冊寶內侍舉冊寶案內侍舉冊寶案
先入詣壽慈宮壽成惠聖慈祐太皇太后座前褥位西向置定太傅已下
俱降階各歸幕次以俟拜候都大主管官前導冊寶進行冊寶入宮舉冊
寶內侍置冊寶於冊寶案皇帝至壽慈宮殿上降輦入詣壽慈宮服通天
冠絳紗袍內侍前導皇帝跪進大圭皇帝執大圭詣壽成惠聖慈祐太皇
太后座前褥位北向立內侍引司言司言引尚宮尚宮引壽成惠聖慈祐
太皇太后陞座皇帝再拜稍前躬身奏萬福又再拜退詣西向褥位立舉
冊內侍舉冊次舉冊案內侍舉案置於壽成惠聖慈祐太皇太后座前褥
位北向置定內侍進冊於案舉冊內侍舉冊讀冊內侍跪讀冊冊文曰皇
帝臣撫護稽首再拜言曰臣聞司稱賢后太姜為冠於昭文王太姜之孫
原所以聖積厚流遠詩雅登載思媚有光傳誦徽音于今不泯矧我大母
卓乎遠過達四朝父子之內禮見四世婦姑之並處身備衆美壽開七袞
猗歟盛哉願惟冲人欽紹鴻業親奉燕謀謹五日之朝備四海之養嘗僅
舉於緼儀未大彰於懿鑠詎可不形容萬分一以推繹其所自乎恭惟壽

成惠慈太皇太后性淑而行方道大而德博祥啟沙麓慶占渭陽天作之
 合儼尊烈祖敬順絲乎天稟節儉本乎躬行不侈鼎俎之同庖而惟澹泊
 之適不矜禕綸之盛服而惟澣濯之安請損外家之優恩務絕內朝之私
 謁惟以警戒見於輔佐間則修而風動彤史煥而日章家道既正天下已
 平當慈極之勅勤贊耆模而輯遷神器有託迺陪高蹈齊大安之冲適奉
 長樂之怡愉上恭下惠表裏丕穆亦閱累閏曾無間然婦道母儀重昭著
 以全盡神休帝祉宜繁衍以駢臻申錫壽祺後天難老將巧厯不能定其
 算數也臣祇獲守文居慚繩武願繼承之德薄戴保祐之恩隆撥厥所元
 曷為效報倣踐新陽載詠良日循紹熙初舉之盛典衍慶元再上之隆名
 庶幾鋪張揚厲以見歸美之意焉夫聖盡倫也必厚人倫以為大由惠以
 致聖則惠廣而聖益盛不曰惠而聖乎祐者助也必自天助以為吉由慈
 以獲祐則慈廣而祐益隆不曰慈而祐乎臣不勝大願謹奉玉冊金寶加
 上尊號曰壽成惠聖慈祐太皇太后伏惟殿下安坐少廣之居長受大慶
 之禮與太極合德而尊尊莫尚與坤元同功而生生不窮幸懷多福施於
 孫子以永億萬年無疆之休臣擴誠歡誠忭稽首再拜謹言請託舉冊內
 侍奠冊讀冊舉冊并冊案退舉寶內侍讀寶等並如上儀皇帝復詣北向

禘位立尚宮奏請皇帝再拜伏跪奏皇帝臣攝稽首言壽成惠聖慈祐
太皇太后殿下衍慶重闈應榮顯冊神人闡懌福祉函蒙優伏興又再拜
內侍承壽成惠聖慈祐太皇太后旨退西向宣答曰皇帝鳴鸞飭衛鑾玉
揚徽勉親視容第慚溢美皇帝又再拜訖內侍奏禮畢壽成惠聖慈祐太
皇太后降座皇帝退釋大主內侍官跪受大主皇帝行禮畢次御史臺閤
門太常寺引率執文武百僚詣壽慈殿下拜殿賀壽成惠聖慈祐太皇
太后訖退儀仗鼓吹儀衛以次退應從賀臣僚免奏萬福以俟從駕還內
閣十二月十五日詔壽成惠聖慈祐太皇太后加上尊號冊寶禮畢
壽慈宮提舉所等處并本殿官吏諸色人等及親屬并外宅已降指揮各
行推恩內轉一官資礙止法人許令依條回授白身人候有名目日特作
一官資收使壽康宮 紹熙五年七月詔以太上皇后宅為泰安宮移寓
有日上以太上玉體未安懼有勞動過於太內因太上常御之所建泰安
宮遂以東華門裏後苑畫方等蓋造殿廊
五十有四門入出東華門改宮名為壽康

宋會要徽號

朝謁太清宮上玉皇聖祖徽號上皇地祇徽號 真宗大中祥符六年七月十九日亳州團練使高漢英遣判官李好問與父老僧道舉人趙永等三千三百六十人詣闕請車駕朝謁太清宮對子從政殿賜酒食婚錢遣之二十七日宰臣率文武百官上表陳請詔答之 八月一日內出御劄曰朕以眇躬續承大寶荷降康於穹壤膺錫類于祖宗明發之心常增于厲翼大同之俗獲固於隆平蓋積累之善祥豈涼薄之能致而自欽承端委祇奉符箒云岱而上對越雖而大報再臨羣躬祀寢因天監孔章民和旁洽暨太宮之踰格乃宣室以疑神屬以上真荐迺嘉既洪惟寶緒逸悟于有開復念休期肇隆于無斁故將叶吉春序卜勝神皋恭建壇壝親謝天地竊思三才之始是謂道尊百化之先允惟教父顧譙都之舊壤峙曲里之珍祠炎漢庇民薦芬馨而祇肅有唐繼孝奉寶綬而專崇俾漢字之咸康實上清之幽贊當乘法馭順拜殊庭方冀詢謀未遑誕告而景毫香晝趁丹闕而獻封外朝官師伏彤庭而抗疏願修盛節允契素懷是用祇考元辰緬遵令典彼鴻之曲既奉於蕭牆在國之陽復薦于主幣朕以來年春親詣亳州太清宮行朝謁之禮咨示嚴事及夫僕儀勿曠攸司

各揚乃職祀禮所用必極于豐素乘興所須務敦于簡儉應于費用並從
官給一路但增修館驛以備行宮所用什物亦官自營辦不得輒以科率
及差役丁夫諸路長表不得擅離本任來赴行在及以修貢為名輒有率
斂兩京諸路起居章表附驛以聞 六日詳定所言皇帝親詣亳州太清
宮行朝謁之禮回恭謝天地前所有玉清昭應宮合行朝謁詔恭依 八
日以恭知政事丁謂為奉祀經度制置使判亳州翰林學士陳彭年為副
使權三司使林特計度糧草命工部侍郎趙安仁翰林學士晁迥陳彭年
王曾同詳定儀注 前監察御史薛田免持服通判亳州太常博士劉楚
殿中丞集賢校理宋綬並簽書亳州判官公事綬兼掌表奏以殿中丞通
判單州劉慶知真源縣 十一日丙出御劄曰二儀剖判實本於鴻濛萬
化弛張率宗於清淨蓋體包於羣有遂功冠於三才洪惟教父之尊克總
帝先之妙洞希夷之壺與擬參午之純精自坤降于靈區乃慶流於遠裔
皇圖是啟天祐斯隆連鍾累洽之期益盛欽崇之禮顧循菲德夙慕真風
承穹厚之眷懷恢祖宗之緒業元符錫祚存振黃紫之文並祀潔誠展展
裡燔之制丹輿來格寶訓克昭此皆上帝之所降衷至真之所教佑載懷
道蔭敢怠當威範田飭于庶工命考儀於往冊俾消今序躬達明馨重念

戩福是膺徽章可舉雖冲虛不宰因絕於強明而盼靈無方豈忘於昭事
式隆稱謂以極推崇咨尔攸司肅將大典謹奉上真元皇帝聖號曰太上
老君混元上德皇帝擇日備禮奉冊 十三日詔禁奉祠一路粘竿彈弓
置網諸捕獵之具太清宮園林五里內禁樵採應修飾行宮橋道不得侵
占田疇蹂踐禾稼犯者重寘其罪 十五日詳定所宜朝謁太清宮牙盤
運豆簋簠祭饌物請用去年十一月三日朝元殿恭謝玉皇禮例太清宮
度并天書懺用登歌四祭玉清昭應宮太初殿下設宮架二十虞太初殿
上及明慶殿上各設登歌二架並從之 十六日詔亳州罪人至死者送
亳州裁斷 十七日宴餞丁謂於長春殿陳彭年預為各賜詩寵行及行
又命相王元佐餞于都門外 十九日命趙安仁撰太上老君混元上德
皇帝冊文及書寶 二十四日詔奉祀一路諸色人不得以伎巧雕繪寶
裝物來獻 二十五日禮儀院言按唐太清宮今真獻老君用碧簪同人
靈故不用玉今詳太上老君宜同天神用玉若依吳天上帝例合用四圭
有邸昨薦獻聖祖文帝用四圭有邸詔用蒼璧太清宮用竹冊一副 二
十八日詔車駕所歷州縣悉于城外經過毋令毀折門戶遇墳家則避之
禁亳州婦人至真源縣及太清宮 同日禮儀院言朝太清宮用一獻飲

福詔特備三獻以盡嚴恭 三十日詔奉祀後復卒工人日給緡錢兩月
一給麻屨 九月六日丁謂言園城頓室宇溢陋其處從羣官至時請依
東封翔鑒頓西祀硤石頓例歡迎駕起居先一日發付大原縣從之 十
六日陳彭年言太清宮行禮日鄴州知州及亳州經省試舉人本宮道士
望並令陪位又本宮殿室內無奉安寶冊之所請于殿庭天寶臺下封藏
仍令禮儀院詳定制度又行禮日諸宮觀尊像請遣官薦獻真源觀靈寶
天尊三清先天觀元始天尊並用碧幣洞霄宮聖母太后用白幣廣靈宮
玉皇大帝用蒼幣仍用大祀禮本宮元中大法師經籍度三師真武將軍
張天師洞霄宮龍女各用兩蓮雨豆又還京謁玉清昭應宮請依謁太廟
禮例至外門勅契並從之 十七日命入內都知鄧永遷齋詔撫問丁謂
已下並賜茶藥 十月再遣副都知張繼能攜賜及軍校役夫緡錢衣物
并賜輦運馬遞平緡錢 二十四日丁謂等言太清宮封藏太上老君寶
冊請用玉匱各一副長廣一尺高如之檢厚一寸二分長廣如匱刻金繩
道五封處深二分方取容受命寶請下中書門下省修製石匱三層各長
五尺三寸闊四尺三寸下層高二尺刻牙道一周闊四寸深五分中容玉
匱處鑿深一尺二寸長二尺五寸闊一尺三寸中層高一尺南北刻金繩

道三相距各五寸闊一寸深五分鑲金絕處各深四分方取容天下同文
寶四角安牙道上層為蓋頂蓋蓋下刻用印處請下三司製造 同日禮
儀院言朝謁太清宮日老君殿內列子而下四真人唐明皇文宗二帝請
依從祀例設位兩廊遣官分薦並從之 二十五日禮儀院言朝謁太清
宮日薦獻飲福請用太安之樂其降聖已下樂並同朝元殿恭謝玉皇則
從之 十月六日禮儀仗言將來行事官有先詣太清宮者請令擇嚴潔
公宇用官馬一員攝太尉立班讀誓如儀又車駕前告太廟出京日太清
宮行禮日並用鑾駕儀仗四千人用繞宮垣刻用黃麾仗三千人至真源
縣中路離真源縣日止中路頓並用鑾駕儀仗二千二十八人太清宮前一
日遣官奉上寶冊用黃麾仗二千人內鼓吹四百人寶冊安玉轎中太尉
持節上冊寶用本路儀仗車轎車駕告宮廟及朝謁恭謝黃帝飲福清金
尚食奉御進上樽酒庶叶禮文並從之 七日詔日朕欲詣靈宮虔修真
祀饗獻之禮備考於典章警蹕所經務崇於嚴肅屏茲聲樂庶極肅明朕
自離京奉祀以前不舉樂經州縣無令樂人迎候 八日詔定鑾駕內導
駕官從人親王中書樞密院使相宣徽三司使已上四人學士尚書丞郎
節度使已上三人給諫知制誥待制三司副使卿監金吾大將軍內職掌

班已上二人少卿監已下供奉官以上一人 九日以宰臣王旦為奉祀
大禮使向敏中為儀仗使樞密使同中書門下平章事王欽若為禮儀事
陳堯叟為鹵簿使叅知政事丁謂為橋道頓遞使以王旦為天書儀衛
使王欽若為同儀衛使丁謂為副使兵部侍郎趙安仁為扶侍使八內副
都知張繼能為扶侍都監詔朝謁太清宮天下禁屠軍十日以明年正月
十四日為始 十三日禮儀院言告王清昭應宮日太初明慶殿親行禮
二聖神御殿親焚香紫微已下諸殿遣官以素饌薦獻集靈殿翊聖閣遣
官焚香著為永式詔令近臣分獻 十六日朝謁王清昭應宮 十七日
命直入賢院石中立初牌錢易集賢校理晏殊修車駕所過園經以備顧
問 二十一日詔扈從羣官諸色人不得隨壞百姓廬舍什物傷踐苗稼
仍各謹火禁無致他虞 二十八日命給事中知制誥錢惟演押當太上
老君寶冊先車駕二日進發 同日禮儀院言車駕所經山川前代帝王
名臣烈士十里內神祠所歷橋梁並本處遣官祭之內有功德赫奕者請
命使致祭從之 二十九日詔改亳州太清宮洞玄真人號曰洞元真人
十一月六日賜真源縣行宮名曰奉元殿曰迎禧殿後亭曰觀妙 十
九日詔車駕巡幸其近京州軍兵甲寇盜事令東京留守提舉之京東西

江淮南諸路即以藩鎮知州領之 十二月五日令扈從諸軍分為十番
有司預給春衣 十日以兵部尚書寇準權東京留守禮部侍郎馮起權
判留司御史臺左諫議大夫陳象輿權判留司三館三司度支副使趙湘
戶部副使李士龍權同管勾留司三司事內侍都知閻承翰崇儀使藍繼
宗入內押班用懷政內殿崇班周文質同管勾大內公事權殿前都虞侯
高翰為京雋城內都巡檢使蔡州團練使荆嗣東染院使韓景祐為同巡
檢使權步軍都虞侯蔚昭敏為新城內都巡檢使捧日左廂都指揮使張
資禮賓副使岑保正為同巡檢使翰昭敏仍權勾當留司殿前馬步軍司
事 十二日以右諫議大夫權三司使事林特為行在三司使殿前都指
揮使曹瑛馬軍副都指揮使張景行在馬步軍司事塩鉄判官直集賢
院楊侃權度支判官曹谷戶部判官袁成務並為行在三司判官四方館
使楊懷中樞密副都承旨張質為車駕前後行宮四面都巡檢宮苑使郭
崇仁內藏庫使劉贊明衣庫使楊崇勲莊宅使王懷節崇儀使梁昭信為
同都巡檢莊宅副使王承祐禮賓副使郭守信侯紹隆內殿崇班閤門祇
候劉美為欄前收後巡檢入內都都知泰翰都知鄧永運軍器庫使安守
中為行宮使翰仍同昭宣使趙承煦樞密院諸房副承旨尹德潤提舉住

來頓過事綏綽使楊保用洛苑使張景宗內侍省右班副都知竇相賢整肅行在禁衛 十五日奉天書于崇德殿道場帝齋于殿之後閣翌日四鼓奉天書于朝元殿帝服袞冕行酌獻之禮贊明扶持使奉天書外王路出乾元門至玉清昭應宮奉安于太初殿帝服通天冠絳紗袍來金輅出乾元門詣玉清昭應宮改服袞冕升殿薦獻又詣明慶殿告饗聖祖大帝改服靴袍朝拜二聖殿分遣近臣酌獻諸殿遂詣太廟薦告六室以亳州所貢靈芝列于宮廟之庑 二十一日帝謂輔臣曰向東封西祀皆遣使馳書諭契丹今朝謁太清宮去京師非遠更不遣使重於煩費宜令國信使晁迥以此意諭之 二十五日以翰林學士王曾攝御史大夫為考判度使侍御史知雜政曄攝中丞副之知制誥錢惟演直使館姜嶼編排迎駕父老及州縣繫囚右諫議大夫慎從吉直史館劉鋹詳定詞狀 七年正月六日禮儀使言準禮例自東京至大清宮所經縣鎮先車駕三日禁止坊市哭泣從之 十五日儀衛使等具鼓吹仗衛道門威儀坊教樂奉天書升王路少頃帝乘輦出乾元門留司百官京畿父老奉辭于南薰門外改御道遙筆進發夕次咸平縣賜僧道父老時服茶絹自是所過皆然自咸平縣歷圍城太康縣鹿邑縣至真源縣凡五置頓 十六日命陳彭年

赴太清宮醮告 十七日王旦告至於太清宮 十九日至真源縣西五
里大次帝服釋袍乘大輦至奉元宮是夕帝齋于迎禧殿 二十一日帝
服通天冠絳紗袍於迎禧殿庭奉太上老君混元上德皇帝加號冊寶再
拜攝太尉王旦旦奉以陞玉輅持節乘車具本鹵簿詣太清宮攝中書令
丁謂讀冊文冊文曰嗣皇帝臣某謹再拜稽首古伏以先天地母萬物大
道強名而混成一希夷總衆妙元聖無私而獨運肆結繩之上世逮堯
而應期必教清淨之風乃洽淳熙之化伏惟太上玄元皇帝神歟氣祖粹
蘊帝先絕學以闡真宗襲明而開道與聖母發祥於晉日宣父興歎於
龍嶽言闡幽大象垂教二儀長久本清淨而不居兆庶樂康資恬淡而
欲首出萬古式是百王天付吾民運興有宋烈祖之開創神宗之治平
僉為永圖遠積素為常道屢鍾長發猷及眇躬寶祚嚴凝惟新於元命王
音照晰親親於仲期諭皇世之有開示萬真之幽贊上帝克享妙本
是依仰止靈區虔申順拜周爰徽稱茲表欽崇大忱惚無形生三為大
茲之謂混元淵默守中次萬自化茲之謂上德雖善貸常存于不有而
可名恭薦於至誠謹遣攝太尉石僕射兼門下侍郎平章事王旦奉玉
冊寶上徽號曰太上老君混元上德皇帝伏以因大成而曲全循遵道而貴德儲祉善

建保鴻基之配天降鑒勒行佑冲人之治國萬方富壽世祚千億受養蒸
黎永永無極謹言夜漏上五刻天書扶持使奉天書赴大清宮自行宮火
路設籠燈燎臺左右執炬以間之恭映儀衛照灼如畫二鼓帝服通天冠
絳紗袍乘玉輅具法駕繼進駐大次二十三日三鼓奉天書升殿服袞冕
行朝謁之禮相王元偓為亞獻祭王元儼為三獻帝還大次太尉奉加號
冊寶于玉匱鑲以金純封以金泥印以金綬命之寶納於醴壇石匱填以
石泥印以天下同文之寶將作監領徒加石蓋其上羣臣稱賀於大次分
命輔臣薦獻諸殿少頃帝復詣先天觀元始天尊殿廣靈宮至皇大帝殿
洞霄宮先天太后殿焚香再拜復至三清宮周覽靈井瑞檜至真武殿亦
蛇見于龕間詔曰恭惟祕館式展虔祠精意允孚恭蒞總萃乃眷濟心之
宇斯為集福之庭是宜肅按冲科改營仙室法清都之偉制增大壯之新
規庶延屹歛之游用介蒼黔之祉奉元宮宜改曰明道宮奉安玉皇大帝
像又詔亳州應天府各賜醺三日公宇門樓亳州以奉元均慶應天府以
重熙頒慶為名賜丁謂以下襲衣金帶器幣有差二十三日發衛真縣
改真源縣次亳州州城之西設朝真迴蹕樓帝駐輦觀樂賜物有差即詣
新立聖祖殿朝拜二十五日詔亳州士庶不得上太清宮老君殿洞霄

宮先天太后殿廣靈宮玉皇殿周設欄楯務存嚴肅官吏非致祭亦如之
改亳州城西門曰朝真北門曰均禧又詔沿路置頓侵占民田者並據頃
畝之數免二年租稅酒永占者厚給其直 二十八日次應天府天書升
輦五色雲如花木又黃雲如人連袂狀如翔輦而行扶持使趙安仁請播為
樂章以備酌獻從之 翌日帝服靴袍朝拜聖祖殿詔號 鴻慶宮仍奉
安太祖太宗聖像 二月一日改南京南門曰崇禮雙門曰祥輝外西門
曰迴鑾 二日皇子自上都來迎于襄邑縣 五日帝至自亳州權東京
留守寇準率留司百官迎對于太一宮西之握殿有司以銜真靈芝二百
輿泊白鹿前導天書而入帝服靴袍乘大輦備儀衛還宮賜扈從文武官
休假三日輔臣二日 八日帝作奉祀禮成還京歌賜近臣 三月十三
日丁謂陳彭年請以奉祀沿路聖製刻石分立於太清明道二宮泊亳州
南京詔從之仍命謂書 十月十六日詔奉祀陪位官勒名于太清宮頌
碑陰天書儀衛使奉使五使儀仗導駕官勒名於明道碑陰扈從官勒名
於南京頌碑陰 八年四月十五日命王旦撰亳州明道宮記向敏中撰
太清宮頌王欽若撰崇真橋記陳堯叟撰靈津橋記丁謂撰應天府安詳
橋記王嗣宗撰陳留縣凝祥橋記知亳州李迪撰明道宮觀妙亭記 上

玉皇聖祖徽號 真宗大中祥符五年十月二十四日對輔臣於滋福殿
帝曰朕此月十七日夜夢景德四年先降神人復傳玉皇之命云先令汝
祖趙某授汝天書此月二十四日再得見汝如唐朝恭奉玄宗皇帝翌日
夜復夢神人言天尊報皇帝至日吾座西當斜設六位以候吾朕即依所
告於延恩殿恭設道場是日五鼓一籌先聞異香少頃黃光滿殿掩蔽燈
燭俄見靈仙儀衛所執器物皆有光明天尊至朕再拜於殿下頃之霧氣
漸濃須臾霧散由西陞以升見侍從在東陞天尊就座有六人揖天尊而
後座朕欲拜此六人天尊令揖不拜揖訖天尊令朕前謂朕曰吾人皇九
人中一人也是趙之始祖有功於世再降乃軒轅皇帝凡世所知少典之
子非也母感電夢天人生於壽丘於後唐時奉玉皇帝七月一日下降總
治下方主趙氏之族今已百年朕有所請問皆岳答諭朕因垂涕上問太
祖太宗在天聖號答云人世不可輕語又云皇帝善為撫育蒼生母急前
志朕再拜天尊眾真皆離座乘雲而去王旦等曰陛下款奉玉皇親承寶
訓茲多殊異簡冊所無再拜稱賀即召旦等至延恩殿歷觀臨降之所
二十五日內降御劉以天尊臨降布告天下命叅知政事丁謂翰林學士
李宗鐸龍圖閣直學士陳彭年與太常禮院檢討官詳定崇奉儀制以聞

二十六日羣臣詣崇德殿稱賀賜酒五行而罷宴宗室諸親于萬歲殿
帝作九天司命天尊降臨七言詩賜近臣繼和 閏十月五日制曰先天

者大道總衆妙以爲宗無方者至神感精衷而斯應朕嗣守丕業惕厲一
心祇賀殊休紹膺秘檢奉符云岱報本汾睢秘祀交修鴻儀克舉凌兢即
積顧謏非常遽奉真遊仰聞諄誨啟洪源於古始隆多祚於本夫永惟長
發之詳敢罄歸尊之志虔遵寶訓率薦徽名咨示有司肅揚令典謹上九
天司命保生天尊聖號曰聖祖上靈萬道九天司命保生天尊大帝擇日
備禮奉冊 六日命軍臣王旦撰聖祖冊文 九日詳定所言準制奉
聖祖徽號按唐郊祀錄薦獻玄元皇帝青詞云嗣皇帝臣某今請應上聖
祖青詞並依稱謂伏緣聖祖居上真之位不用祀文自今除道場外非時
奏吉止用青詞詔恭依又詔天下州府軍監並於天慶觀置聖祖殿其尊
像侍從令玉清昭應宮定式付之 十一日制曰大道之始實本於混元
二儀之生肇從於太極伊先天之孕梓由太電以發祥靈感誕昭仙緣斯
啟進崇祖德已煥於徽章欽奉母儀敢宣於慈教恭薦隆號式達至虔謹
奉上聖祖母懿號曰元天大聖后擇日備禮奉冊 十二日詳定所言聖
祖母未有宮殿望遣官於兗州曲阜縣壽丘奉告從之 十三日詳定所

言按唐天寶四年敕太清宮告獻行禮官用朝服改祀版為青詞自今至
清昭應宮薦獻告聖祖除已奉敕用青詞外其奏告大事望服朝服常時
奏告則公服其青詞如設醮則令道士讀之薦獻則命太祝並從之十
八日命宰臣向敏中撰聖祖母冊文 二十三日詔聖祖聖祖母徽號冊
寶法物並飾以金舊制皇帝冊寶飾以金宗廟飾以銀及是有司請聖祖
母寶如宗廟之制帝宗奉聖祖志存謙於政有是詔 十一月八日詔聖
祖聖祖母冊寶文並令戶部侍郎參知政事丁謂書寶文曰天寶 十一
日中書門下言準制加上聖祖聖祖母徽號恭以清都錫佑紫禁延真
聖胃之有開表著釐之紛委鴻名仰漸率申尊祖之心徽謚載增用達奉
先之志方咨令與俟奉鴻儀爰奉德音別營秘宇考室之制倘未畢于僞
功奉冊之辰慮難成于備禮臣等恭詳聖祖寶冊欲望俟宮成備禮聖祖
母寶冊俟仙源縣太極觀成日命使奉上詔可聖祖寶冊朕親詣宮奉上
六年二月四日帝御滋福殿召宗室近臣觀聖祖天尊大帝降延恩殿
及眾真列侍圖 七年九月一日封輔臣於滋福殿帝曰自元符之降四
海安寧朕欲昭答厚矣與天下臣庶同上至聖聖號來日吉辰止就此殿
設聖像朕親授中書門下擇日降制王旦等曰陛下特出清衷仰答天貺

成事冠古非司謀慮所及臣等不勝大慶因請奉聖號迎安於朝元殿
後天書刻玉幢次從之 一日帝詣滋福殿玉帝像焚香奉聖號迎拜
以授輔臣王旦等奉置道遙輦安于朝元殿惟次 八日帝服靴袍奉土
聖號御劄于崇德殿庭設香案再拜授樞密使奉赴文德殿宣付中書門
下御劄曰宮昊益高允昭於下濟妙道為大寶著于強名而況端拱睿樞
裁成寶歷樞九陽之政令布萬民之福禧俯致隆平方膺于聖謨仰榮輝
謂洪關于神功所以仲有國之至度謝蒸黎之介祉伏維玉皇大帝宅尊
紫霄制治清都居二儀之先為萬物之主至仁不載覆冒于羣倫妙用無
方監觀于決宇是謂莫闕其際曷得而諭者願以眇冲緒茲基緒元符敷
錫欣受于春懷銘典昭揚欽隆于保佑勒封梁社報本郊丘百禮咸宜八
紘押至僊宗降詳誨容彰大庇家邦寵綏海域故得俗登仁壽歲洽順
成七政以齊百嘉並宅慶懷生之多幸咸美應之有孚天造降衷雖觀
之罔報風興厲志庶冀翼之獲伸由是度越前聞肇新寶號將以祇率億
兆虔叩希夷內傾齋懷之心上達高明之聽與天下臣庶上玉皇大帝聖
號謹以永年正月一日躬中薦告其冊寶朕親撰文及天書下亦以此日
奏告仍定儀式頒下其奉上冊寶委中書門下命禮官恭詳儀注刊擇焉

年恭行大典。咨爾有位。體予朕懷。宣訖左右。正言捧案。禮部侍郎奉以出。安于朝元殿。十五日。羣臣以上上皇聖號。詣閣門拜表稱賀。十二月十八日。以宰臣王旦為奉告大禮使。向敏中為儀仗使。樞密使同中書門下平章事寇準為國簿使。參知政事丁謂為禮儀使。樞密副使王嗣宗為橋道頓迎使。政事禮儀使為四使之首。贊導行。帝中。以哀辰故。易謂以使於涉。降。二十几日。帝服靴袍。奉玉皇聖號。乘安于文德殿。齋于長春殿。八年正月一日。帝詣玉清昭應宮。率天下臣庶。奉表奏告上玉皇大帝。聖號曰太上開天執符御歷含真體道玉皇大帝。又奉刻玉天書。置于寶符閣。以皇帝御容侍立于側。帝升閣酌獻。復朝拜明慶二聖。殿禮畢。還宮。常服御崇德殿。文武羣臣稱賀。

九年五月一日。制曰。朕獲以菲德。夙昭慶基。法前王昭事之心。荷穹昊維新之命。秘圖申錫。靈浸鴻均。封祀紹修。誠明合答。攝仙宗之降格。示寶帑之歸長。錫祚蕃滋。輸祥紛沓。爰於前歲。特發精虔。或瞻霄極之尊。虔上帝真之號。仍期奉冊。別譯吉年。屬鳴津之再更。果供辰而有德。今以來歲元日。適叶上辛。願同億兆之誠。共薦宮崇之稱。信辭真述。匪懈于躬。親金闕。玉文庶垂於永久。舉冠朱行之事。報高明洪覆之恩。謹以來年正月一日。

詣玉清昭應宮與天下臣庶恭上玉皇大帝聖號寶冊凡百有司各供其
職 八月四日詔諸州應緣來年正月一日恭上聖號道場拜表官吏有
服利者並預行禮不得慘服 十月一日詔曰乃者蒼昊顧懷真游降格
側聆譟誨逖悟仙源允昭積累之祥洞協帝微之應宗祏蒙佑遐爾均歡
是用率籲羣誠歸專大帝陰首春之數且薦徽冊于真宮適我先朝已中
誕告重念答太霄之洪覆既竭寅恭崇聖祖之丕名合遵嚴奉爰因吉序
並展威儀謹以未年正月二日詣素靈宮奉上聖祖天尊大帝徽號洛爾
中外體茲意焉 十二月十二日詔曰朕躬詣殊庭奉薦玉稱願茲版位
之設常于玉冊之前方內鑒于黃成固莫違于海處宜伸仰是用表欽崇
其玉清昭應宮太初殿奉上玉皇大帝聖號寶冊丹墀版位宜設于龍
墀亞獻三獻宜設于沙墀俟奉寶冊畢薦獻即依舊制 二十七日有司
奏玉皇寶冊宸服聖祖寶冊仙衣二聖絳紗袍至長春殿中書樞密院奉
修寶冊副使迎拜庭中道門威儀禁衛授護安于崇德殿翌日奉天書置
天安殿玉皇寶冊宸服二聖絳紗袍于文德殿內出紫微大帝絳紗袍七
元輔弼紅絹衣劍聖保德真君皂袍安于滋福殿帝齋于崇德殿 二十
九日奉聖祖寶冊仙衣安于文德殿是夕帝齋于天安殿後室翌日四鼓

帝詣天安殿酌獻天書五鼓儀衛使奉以赴玉清昭應宮之集禧殿又奉
寶冊袞服仙衣赴玉清昭應宮之宣德殿景靈宮之別殿大駕赴玉清昭
應宮天禧元年正月一日儀衛使已下奉天書升大初殿中書令已下
奉聖號冊袞服升丹墀之東握百官朝服班于殿庑首舉人僧道耆老分
列于宮門外帝服袞冕升殿恭上玉皇大天帝聖號寶冊袞服冊文曰嗣
天子臣恒謹再稽首上言臣聞曰至曰妙道之精也為吳為晉天之大也
上德不德為可以詳言而帝名非名於是乎丕顯所以居上者受之而弗
拒居下者奉之而歸尊並三才之至公億齡之巨典也伏維玉皇大帝剛
健純粹高明博臨主造化之先居正真之首九陽有命恭已而財成萬寓
無強克仁而大庇若乃廣運之聖不測之神提治百靈統齊七政茫茫率
土依若於監觀森森流形欽承於覆冒是以自翕闢之始浹融結之區照
日月之輝沐雷雨之澤為物為變之類麗天麗地之傳道陰誕教故諧其
茂遂皇靈昭著故積其黃威宜乎有國者親航而不忘乾乾而內鑒也臣
願惟眇質獲結膚圖繼祖考之慶基守區宇之大器向以干戈倒載符瑞
交臻荐告休期查頒祕籙云岱之岳紀號而勤崇河汾之丘省方而報本
承仙宗之降格述寶訓之開先由是感則隆興純禧紛委嘉生並育善氣

彌光俗還於醇和路益于雅頌宜云寡昧能致於昇平蓋自顧懷茂彰于
保佑夫香冥之況既表于旒尤菲薄之懷敢忘於勵翼於是舉邦國未行
之事報大紫曲成之仁祇率興民奉崇寶號太上者首出庶物開天者資
始六合執符御歷者冠于司牧舍真體道者契于自然瞻玉宸之崇高思
璿霄之尊極合為丕輯奉于清都臣不勝大願謹率天下臣庶奉玉冊玉
寶恭上聖號曰太上開天報符御歷舍真體道玉皇大帝伏維允彰鴻
祐俯照至精永流介福下及懷生翼翼小心誕膺於乃瞻昭昭嘉應永保
於咸亨臣恒皇恐再拜謹言真玉帝薦饌三獻飲福登歌二舞望燎如祀
昊天上帝之儀禮畢詣二聖殿奉上升紗袍奉幣進酒分遣攝殿中監上
紫微大帝絳紗袍七元輔弼真君紅綃衣翊聖保德真君皂袍遣官分獻
諸殿閣帝改服袍詣紫微殿寶符閣焚香羣臣詣集禧殿門拜未賀正旦
天書赴景靈宮大駕次至齋于明福殿二日帝服采冕詣天興殿奉上聖
祖天尊大帝冊寶仙衣冊文曰嗣皇帝臣恒謹再拜稽首上言曰粵以生
三為大寶本乎道樞得一以靈聿資乎神教洪惟聖祖降自先天位冠真
階功宣民極施及中古再無庶邦修德振兵舉賢播穀順風而訪道迎日
以授時大勲布昭淳化宣洽乘王氣于五勝司命于九清降降霄宸財成

品彙復膺帝命。垂祐皇宗。昭啟孫謀。永綏天祿。業以祕文申錫。靈眷是將。協謀告期。奉符拜既。今復警于宵寐。彭厥休徵。結乃雲輶。戾于禁闥。衆真翊導。尊儀粹和。躬聞至言。獲知洪緒。俯循冲菲。祇荷顧懷。欽膺錫美之祥。玉闌莫京之胃。瑤源惟水。寶曆無疆。純嘏荐臻。感慶文集。是用敷求。令典申荐。徽名播衆妙之淵。宗述無方之況。施本支所系。仰祖德之有開。天極至崇。麗帝宸而增煥。表茲崇尚。以答高明。謹奉玉冊玉寶。恭上徽號。曰聖祖上靈高道九天司命保生天尊大帝。伏維鑒德。霄垠貽休。宗祔永隆。享祐誕靈。祺祥不冑。羣倫翕然。蕃祉謹言。奉天書薦獻。悉如玉清昭應宮之儀。帝又服執袍詣保寧閣焚香。車駕還內。羣臣入賀于崇德殿。賜酒五行。契丹使預焉。二十六日。命宰臣王旦為袁州太極觀。奉上寶冊。使景靈宮副使尚書右丞兼宗正卿趙安仁副之。龍圖閣待制李虛已押冊寶集賢校理宋綬押仙衣。二月十七日。帝齋于長春殿。十八日。有司於文德殿設聖祖母元天大聖后版位。帝服通天冠絳紗袍。行酌獻之禮。拜授冊寶于王旦。仙衣于趙安仁。旦等跪受。奉以升輅。其由薄儀衛夕次于端形為一氣之祖。至神毓粹居二儀之先。洪維靈懿。無方柔明。有赫總妙本聖國翌日。援護而行。冊文曰。嗣皇帝臣恒再拜稽首。上言曰。恭以大道無

而資始改其緒以肇基願以冲人嗣守鴻構夙持勳翼思致治平乃者曾
留監觀祕符中錫佑綿長之祚示清靜之方瑞命殊尤景貺紛囑由是勃
封云盛展事汾睢既明察以交修復休祺而存立仙馭告期于中集時漢
未日于太霄法從嚴具音容諄誨受于清靈訥威祥于大靈矜育聖于高
丘厚德淳光濟原長發標紹紹謀之慶敢忘克荷之艱需是休嘉永懷欽
奉惟祖德之盛爰上玉冊而母儀之尊未崇顯號斯所以順稽鉅禮式耀
徽章允鑒精衷肅仰昭報謹奉玉冊三寶恭上懿號曰聖祖母元天大聖
后恭惟誕膺茂典玉赫殊祥垂佑後昆永錫繁祉謹言 三月九日兗州
奉冊禮畢羣臣入賀賜欽于崇德殿 徽宗政和六年四月二十九日詔
曰朕德不類護承至尊惟天之太微妙元通深不可識夙夜祗懼恐不足
以體法而順承之永惟玉皇大帝昊天上帝主宰萬化召殊寶同而昔
之論者折而言之不能致一故於徽稱闕而未備今興建明堂以享以配
而名實弗稱震于朕心大懼無以承天之休欽帝之命謹消吉齋明恭上
尊號曰太上開天執符御曆含真體道昊天玉皇上帝其令有司備禮奉
上玉寶玉冊以稱朕意 五月二十八日詔已親製玉皇冊文書于玉冊
以九月朔躬詣和陽宮奉上於本宮奉安不當更差冊寶使冊自內出奉

安在禁中無升輅恭謝致齋之禮可差官撰文前期奏告如常儀百官朝服奠獻登歌並如祀上帝儀四奠畢主於燎幕及月九主素饌其儀注樂章令有司撰定禮畢次日稱賀八月二十九日書藝局奉冊寶至延福宮權奉安守衛如儀九月朔日黎明有司陳細仗于延福殿門之外軍將等援衛以次導引進行內侍捧昇至和陽宮門外以俟行禮前期尚舍設御幄于玉虛殿之東設皇帝位于東陞上西向設權置玉冊玉寶位於殿上聖像前近南稍東西向冊北寶南設黃帝上冊寶褥位于昊天玉皇上帝香案之南北向置冊寶褥位在前亞獻終獻及行事官各以次設位於陪祠文武官於執事官之南東西相向設玉幣玉以蒼璧帝以蒼色篚於昊天玉皇上帝香案前之左設邊豆簠簋尊壺于聖像前設道眾供奉盥洗盤匱位於皇帝之前北面匱居盤西吏部侍郎并執中者位其南向緒行事及陪祠官各服其服入就位皇帝服靴袍乘輿赴御幄禮儀使俛伏跪奏請是後奏請皆俛伏跪皇帝親主攝主奠主與玉幣再拜監悅執爵奠爵飲福前導行禮還位並禮儀使贊相真儀皇帝行恭上昊天玉皇上帝尊號之禮皇帝服衮冕以出殿中監跪進大圭皇帝執圭官架樂作至東階下樂止升自東階登歌樂作至位西向立樂止禮儀使奏請有

司謹具請行事宮架樂作文舞六成止皇帝再拜在位者皆再拜冊寶入
門宮架樂作中書侍郎前引冊案中書舍人捧冊案右弼後從門下侍郎
前引寶案給事中捧寶案右輔後從至殿東階下樂止登歌樂作升自東
階權欽樽位樂止左輔以下立於冊寶之後重行西向以北為上皇帝稽
大主盥手悅手執大主詣昊天玉皇上帝香案前措大主三上香執大主
再拜在位皆拜右弼詣昊天玉皇上帝香案前奏言嗣天子佶謹以元月
朔恭上昊天玉皇上帝冊寶御製冊文曰嗣天子佶謹再拜稽首上言
臣聞太極之初希微混冥未始有象不可致詰蓋無得而名是生兩儀高
卑以陳始制有名強而字之曰道道無乎不在形而上者曰天神而應物
曰帝生而不有為而不恃長而不軍萬物作而不辭故莫神于天莫大于
帝兩者同出而異名名雖不能盡道而道所由以顯則名其可不屑于實
臣獲以眇末嗣有今緒當威寶命懼不足以輔相財成若古在昔惟與神
天雖天子必有尊而尊無二上循考典禮有昊天玉皇之異齋明夙夜感
於明神形於朕兆謂名稱不同當協于一譏與四海含生萬邦黎庶對越
靈承而稽天若循沿舊號合為一帝恭謂明威在上監觀在下感而遂通
神而不測非形容擬議可既然自我民視亦自我民聽賜以玉冊玉寶稽

首再拜上聖號曰太上開天執符御曆含真奉道昊天玉皇上帝惟天難
謀惟德是輔蓋高聽卑昭格不遠永保于無疆之休臣佶惶恐再拜謹言
退復位中書舍人捧冊案右弼中書侍郎從至褥位皇帝攝大主奉冊跪
置褥位訖大主俛代興少退立中書舍人跪舉冊右弼詣冊案前俛伏側
跪讀冊文訖中書侍郎前引右弼押當詣殿室奉安登歌樂作每奉安冊
寶至登歌樂作至奉安訖樂止冊案將入殿室給事中捧寶案左輔門下
侍郎從至褥位皇帝攝大主奉寶跪置褥位訖伏興少退立給事中舉
寶案輔讀寶給事中捧寶案詣殿寶奉安皆如上儀皇帝詣香案前褥位
登歌樂作攝大主詣昊天玉皇上帝香案前跪奠元主於纁藉執大主俛
伏興攝主奠玉幣執主再拜內侍舉元主以授殿中監禮部戶部尚書各
奉俎豆宮祭樂作奠訖樂止皇帝攝大主盥手悅手洗爵拭爵訖執大主
登歌樂作詣昊天玉皇上帝香案前攝大主執爵祭酒三執主俛伏興再
拜訖樂止亞獻盥悅訖武舞宮祭樂作行禮畢樂止終獻行禮如上儀皇
帝詣欽福位登歌樂作皇帝再拜攝大主跪受爵祭酒三啐酒奠爵受褥
泰豆再受爵飲福訖奠爵有司徹俎豆禮直官曰賜福酒行事陪祠官再
拜送神宮祭樂作一成止皇帝詣望燎位南向立禮直官曰可燎俟火燎

半柴禮儀使奉禮畢皇帝還御惟宮架樂作釋大主人惟樂止服靴袍乘
輿還內如未儀三清并別殿聖像並差官分詣燒香 九月一日詣玉清
和陽宮上昊天玉皇上帝尊號寶冊 上皇地祇徽號 徽宗政和六年
十一月二十四日詔曰王者父天而母地乃者祇平萬邦黎庶強為之名
以玉冊玉寶昭告於上帝至哉坤元萬物資生直方以大未有稱謂非所
以微顯闡微通神明之德朕夙夜祇懼罔敢怠忽若稽在昔夏日之至于
國之北將求神於澤中之丘雖名不足以盡道而道隱于無名則名不可
已也夫順承于天效法于下厚德載物含洪光大地德也謹以是德上徽
號曰承天郊法厚德光大皇地祇以盡號範葉母事之禮令有司擇日
恭上其儀注樂章並依奉上昊天玉皇上帝尊號例 二十五日詔已降
詔命恭上地祇尊號永惟地道上順承天皇天后主陰陽之理也舊地祇
未有后土之稱可以尊號內加后土二字 二十七日詔承天效法厚德
光大后土皇地祇一十三字未審徽號文以如何為上下之序詔依此序
為文

七年二月六日奉上地祇冊寶都大管勾所奏奉上皇地祇冊寶開座坎
據禮直官高舜元狀勘會若殿之西北別無空閑地步乞于殿西階之東

徽號二
真宗起

開合於瘞坎之南空留二丈已來設褥位所有擇曰欲三月內其瘞坎合
用方深四尺可容章籠置幣詔用殿前坎瘞五月二日皇帝詣玉虛殿
奉上承效法厚德光大后土皇地祇徽號其所用之禮以瘞坎易燎柴設
望瘞位玉以黃燎及兩主有邸幣以黃色舞以八成其餘並同奉上昊天
玉皇上帝虛德之儀迎奉聖像真宗大中祥符五年七月五日修玉
清昭應宮使丁謂言本宮將來正殿設玉皇大天帝像又于別殿設聖祖
天尊大帝太祖皇帝太宗皇帝像營繕將就請命良工鑄造尊像詔江淮
發運使李溥於江浙訪鑄匠相度地位銘範俄而溥奏於杭蘇二州訪得
鑄匠乞就建安軍西北小山鑄寫詔可六年三月二十二日李溥言王
皇大帝聖祖天尊太祖皇帝太宗皇帝四殿聖像銘範已成二十四日
以修玉清昭應宮使參知政事丁謂為迎奉聖像使修玉清昭應宮副使
翰林學士李宗諤副之北作坊使淮南江浙荆湖都大發運使李溥為都
監集賢校理宋綬掌迎奉聖像使表奏二十六日詳定所言迎奉聖像
合用儀仗鼓吹三千三百餘人從之四月二十一日軍臣王旦為迎奉
像大禮使向敏中為禮儀使樞密使王欽若為儀仗使陳堯叟為副使
參知政事丁謂為橋道頓遞使二十六日詔聖像可經州府官吏賜宴

議 五月七日詳定所言朝拜聖像皇帝服袞冕準月令孟夏初衣暑服
孟冬始裘尚衣庫袞冕皆仲冬親饗圓丘所服夾衣今方盛夏未稱禮容
欲望依袞冕制度改製單衣庶協時令從之 十一日詔曰欽承寶命虔
範眸容方涉夷塗即臨珍館特廣車輿之飾用申近奉之儀肇創嘉名庶
彰懿則其王皇大帝聖像車恭以迎真輅為名聖祖天尊大帝車恭以迎
聖輅為名太祖皇帝車以奉聖輅為名太宗皇帝車以奉宸輅為名 十
二日以聖像至京遣官告天比宗廟社稷 十四日有司具大駕面簿儀
仗鼓吹僧道威儀夾汴奉迎聖像宗室班迎于故驛羣臣班迎于通津門
外七里曲還詣昇平橋朝拜是日聖像降丹升輅奉安于帷殿帝齋于長
春殿 十五日帝服通天冠絳紗袍乘大輦脩鑾駕出乾元門而西自右
掖門直南街東至恆殿降輦以聖像在昇平橋之練殿故避御道馬頃之
改乘小輦屋開封府前之大次服袞冕詣練殿酌獻玉皇聖祖太祖太宗
之聖像升歌飲福一如郊廟之禮而祖用乳禮畢改服靴袍乘大輦由宮
城西出天波門至玉清昭應宮門外帷以俟有司奉聖像由宮城東出景
龍門至玉清昭應宮東門文武羣臣班迎聖像入東門帝迎拜有司奉安
于練殿帝偏詣焚香再拜禮畢還宮翌日羣臣詣長春殿稱賀 二十七

日以聖像至京命左司諫知制誥路振刑部郎中龍圖閣待制查道奏告
諸陵 二十八日賜大禮使已下休假二日 玉清和陽宮奉安聖像

徽宗政和三年四月二十四日以福寧殿東令上誕聖之地作玉清和陽
宮凡為正殿三扶殿六前曰玉虛以奉三清玉皇聖祖北極天皇元天太
聖后后上等九位東扶曰三光以奉十一曜西扶曰宰御以奉南北斗中
曰泰畤以奉太一東扶曰靈一以奉天蓬天猷翊聖真武西扶曰正一以
奉正一靜應真君後曰景命萬年以奉皇帝本命東扶曰峻極以奉五岳
西扶曰三洞寶文以奉道藏四年宮成總屋一百四十二區詔以四月一
日奉安神像于遂殿命太師蔡京充禮儀使保靜軍節度觀察留後楊戩
充都大主管官其日設大祠禮科素饌及道門威儀赴大清樓權奉安處
陳教坊鈞容樂黃麾細仗於清陽門外俟時告還神像升絳殿昇禮儀
使後從至玉虛殿下跪奉請降絳殿升玉虛殿側坐以俟奉安時至前一
日皇帝齋于內殿尚舍預設御幄于玉虛殿東人設皇帝位于東階上面
向設望燎位于殿之東南向太常設燎柴于殿之東南大晟陳登歌之樂
於殿上前楹間稍南北向設宮架於庭中立舞表於鄧綬之間設奉幣爵
受幣爵讀祝官位於殿上東西相向設編律郎位一於殿上前楹間稍西

一於宮架西北俱東向大樂令位於登歌樂座北大司樂位於宮架北良醢今於酌尊所俱北向設陪位官位於殿座東西相向設蓮豆簋簋之位於逐神像前左有十二蓮右有十二豆俱為三行組二在蓮豆之間蓮二蓋二在蓮豆外又設尊罍位於逐神像前又設內侍供奉皇帝盥洗盤匱位于皇帝位前捧盤內侍在執匱內侍之西階北向奉爵官執中內侍在捧盤之北皆南向行禮前行事官及陪位望恭官各服其服光祿卿入實蓮豆簋豆俎良醢令入實尊罍樂工師工人二舞以次入陪位官入就位禮直官并行事官入讀殿庭北向再拜訖各就行事位禮儀使太常博士立于御幄前皇帝自內殿服靴袍乘輿入幄次俟時將至禮儀使詣神像前俛伏跪奏神像升正座訖禮直官太常博士引禮儀使詣幄前奏請皇帝行奉安之禮自是皇帝行禮拜跪執主皆主真主祥主受幣奠酒奠醑禮畢及進止前導皆禮儀使皆相其儀皇帝服袞冕以出近侍從升禮儀使前導殿中監跪進大主少監副之皇帝執大圭宮架樂作至東階下樂止升東階登歌樂作至位西向立樂止以俟時至還正位訖禮儀使前奏有司謹具請行事宮架樂作六成止皇帝再拜在位皆再拜內侍奉盥匱皇帝搢大圭盥悅執大圭登歌樂作皇帝搢大圭執元圭詣神像前北向

跪奠元圭於繅藉執大圭伋伏興搢大圭三上香有司進幣皇帝受幣奠訖執大圭再拜樂止詣次位上香奠幣並如上儀皇帝還位登歌樂作至位西向立樂止內侍奉盤匱皇帝搢大圭盥悅登歌樂作奉爵官進爵皇帝洗爵拭爵樂止執大圭登歌樂作奉爵官詣尊所良醞今酌酒皇帝詣神像前北向搢大圭跪奉爵官跪以爵酒進執爵三奠酒執大圭樂止內侍舉祝版讀祝官東向跪讀皇帝再拜內侍奉祝版置于神像前詣次位行禮並如上儀奉幣爵受幣爵讀祝版官並降西階東向立皇帝還位登歌樂作至位西向立樂止送神宮祭樂止一成止皇帝將詣望燎位登歌樂作降自東階樂止宮祭樂作至位南向立樂止皇帝還位禮直官曰可燎東西各以炬火燎半禮畢皇帝還帷次宮祭樂作釋大圭殿中監跪受以還有司皇帝入帷次樂止皇帝服靴袍乘輿還內如來儀四年正月十九日詔歲中及大禮開建道場日數並仍舊制天寧節七晝夜老君生日年交保夏大禮前預告大禮畢恭謝各二晝夜五月二十四日詔今後遇旦望冬至年節天寧節車駕並詣宮燒香五年二月四日詔二月十五日太上老君誕日於玉清和陽宮設道士登歌樂皇帝行的獻之理其日早皇帝入玉清和陽宮歸小次俟設饌等畢讀祝道士詣殿庭北向

三禮升詣香案之右東向立自是前導及執事攝官并奏請行禮等並以道士充前導皇帝服靴袍登東階登歌乾安樂作詣殿上西向褥位立定樂止降真誠安樂作一成止奏請皇帝再拜訖樂作皇帝盥悅詣香案前褥位北向三上香執事者跪進幣皇帝跪受幣奠幣執事者受幣皇帝再拜訖歸褥位樂止少頃真安樂作皇帝盥悅爵訖執事者受爵赴著尊四攝太官令實爵皇帝詣香案前褥位北向立執事者以爵北跪進皇帝跪受執爵三獻酒執事者受爵皇帝僂伏興少立攝太祝東向讀祝文訖置于案皇帝再拜訖還褥位西向立送真欽安樂作一成止皇帝詣望燎位乾安樂作至南向褥位樂止執事者取祝文幣帛俟火燎畢奏禮畢皇帝還位十八日詔今後降聖節可依太上老君生日例排辦行禮仍令本宮一月前檢舉以聞七年五月十六日詔改玉清和陽宮以玉清神寶宮為名宣讀天書真宗大中祥符元年正月三日對輔臣於崇政殿之西序帝曰朕後殿中常暮皆用青絕旦暮非張燭莫能辨色去年十一月二十七日夜將半方就寢忽光明滿室驚視之次見神人星冠絳衣告朕曰來月三日宜於正殿建黃籙道場一月將降天書大中祥符三篇勿泄天機朕默然起對忽已不見命筆識之自十二月朔即蔬食齋戒于正

殿依道門科儀結綵壇九級建道場以佇神祝雖越月未敢罷去適皇城司奏左承天門屋南角有黃帛曳于鴟尾之上即遣中使視之迴奏云帛長二丈許絨一物如書卷經以青縷三道封處隱隱有朕思之蓋神人所謂天降之書也王旦等曰此蓋陛下至誠事天地大孝奉祖宗恭已愛人夙夜求治以致殊鄰修睦猶俗請吏干戈偃戢年稔屢豐皆陛下赫赫業日慎一日之所致也臣等嘗謂天道不遠必有昭報今者神告先期靈文果降實昭上穹佐德之應皆再拜稱賀又曰然未知天書所諭之事啟封之際宜屏左右帝曰既有天命固當祇受適恐皇城司遽便收進已便止之朕當躬詣焚香拜受朕自得神人所諭之言尋雕木為與殿飾之以金寶將以奉安天書所云屏人以啟封雖神人云勿泄天機朕以上天所貺當與衆共之旦復曰蓋未測書意不欲顯示於衆帝曰天若謫示闕政當與卿等祇畏改悔若告戒朕躬朕亦當側身自修豈宜隱之而使衆不知也當即啟讀但慮文莫能辨須訪明習篆籀者以從旦曰陛下肅奉天命非臣等所能測也帝即步至承天門瞻望再拜內臣周懷政皇甫繼明對捧而下王旦跪奉而進帝再拜受之親奉安於與殿初輔臣請以道衆前導帝曰朕齋戒既久止欲與卿等嚴導以表精虔遂奉引而行帝却繳

蓋徽警蹕至朝元殿之丹墀旦自興殿捧天書帝跪受訖付陳亮更改封
帛上有文曰趙受命興於宋付於恒居其器守於正世七百九九定既去
帛緘書甚密然堅固不與常類厥以利刀久而方啟訖跪進帝亦跪捧
復受亮更命讀之其書黃字二幅詞類尚書洪範老子道德經始言帝能
以致孝至道治世次諭以清淨節儉終述世祚延永之意讀訖帝復跪捧
以所緘之帛繚之咸以金匱置于興殿再拜訖奉引升自東階安於道場
中復然香再拜禮畢帝御殿之北廡召旦等謂曰朕德薄何乃天降明命
昭晰若此旦等曰昔龍圖授羲龜書錫禹非常之應惟聖主得之陛下應
天立極振右稱首上帝所以申錫秘檢示治國大中之道萬世一時也咸
再拜稱賀是夕命王旦宿齋中書晚詣道場上香旦趨往而帝已先至四
日文武百官諸軍將校諸方番客入賀是夕帝齋于長春殿輔臣宿于本
司道衆聲讚於朝元殿教坊奏發曲于庭翌日所司設大次于朝元殿之
西廊列黃麾仗自殿至閣門羣臣序立帝服靴袍太常卿贊導升殿焚香
酌獻於三清天書之前登歌作樂既畢執事者奉天書與殿降自西階出
朝元門由右昇龍門歷文德殿威儀樂部奉引帝步導入東上閣門避黃
道而行既入門從官皆退唯中官執事還官帝前導如初四月一日天

書再降內中功德閣 天禧元年正月二十七日始下詔以四月一日天
書再降內中功德閣日為天祺節 六月八日封記制置使王欽若言六
日泰山西南岳刀山上有紅紫雲氣如橋梁之狀漸成花蓋至地而散其
日木工董祚於靈液亭北見黃素曳於林木之上有字而不能識遂言於
皇城吏王居正居正見其上有御名馳告李紳福曹利用等達於欽若欽
若遂率官屬以道門威儀迎置公舍七日早自公舍奉道至杜首山欽若
跪授中使馳捧赴闕奏至帝御崇政殿促召輔臣謂之曰朕五月十七日
夜忽夢前所觀神人言來月上旬當賜天書於泰山宜齋戒祇受朕雖祈
降告亦未敢宣告惟密諭王欽若等凡有祥異即上聞今得其奏果與夢
協上天眷佑丕應彰灼祇畏惕厲惟懼不緝王旦等曰陛下至德動天感
應昭著臣等不勝大慶再拜稱賀帝曰靈文非久刻闕奉迎之禮宜加詳
定旦等曰正月奉迎天書已定儀注今望約而行之帝曰向者降於內庭
故不別設儀仗今自外而至禮當嚴至可且置于舍芳園正殿擇日具儀
衛奉迎旦等復曰至日欲具黃麾仗道門威儀百官並放朝參出城班迎
入內日亦準是從之即命旦為奉迎天書導衛使丁謂為扶特使藍繼宗
為都監 十日天書至自泰山扶特使而下具儀衛奉迎安于舍芳園之

西門命上旦詣園齋宿晨夕焚香道東作法事 十一日羣臣詣含芳園
門迎導天書升園之正殿帝齋於長春殿翌日備鑾駕赴含芳園改服通
天冠絳紗袍百官朝服序班帝出大次於殿下北面再拜訖導衛扶侍使
自殿上奉天書而下置帝前再拜而受付陳堯叟啟封跪讀其文曰汝崇
孝本吾育民廣福錫爾嘉瑞黎庶咸知秘定是言善解吾意國祚延永壽
歷遐歲續訖召百官示之復奉以升殿焚香酌奠車駕先還俟於朝元殿
之幄次導衛使等奉至帝迎拜前導避黃道而行由東上閣門入內 四
年正月二十一日奉聖製天書誓文赴玉清昭應宮先是帝謂王旦等曰
朕以上穹敷佑靈文三錫夙夜兢勵盡志欽奉且慮歲月寢久子孫輕怠
故作此文刻石寘于天書閣下 七年五月十一日詔模刻天書奉安於
玉清昭應宮命軍臣王旦為天書刻玉使樞密使同中書門下平章事王
欽若為刻玉副使兵部侍郎趙安仁翰林學士陳彭年為同刻玉副使入
內押班周懷政為都監 八月七日有司備伏衛道門威儀教坊樂刻玉
都監自內中奉天書升輦刻玉使已下班迎赴朝元殿帝服靴袍行酌獻
之禮百官陪位奉安于刻玉殿令刻玉使日赴焚香副使已下日一員注
事 天禧元年正月六日詔曰願以躬躬獲紹隆禱仰慶靈之積累荷寧

吳之監觀祕錄云文珍圖錫祚告卜世卜年之業諭時萬時億之祥載惟
涼薄之姿寅本殊尤之貺每增夕惕祇答天祺登岱畎以岳瀉巡魏睢而
有殺而又飈輪臨暨濟發於仙源曲里朝修崇嚴於道陰曠典以之交舉
厚福由是咸懷遂同海域之心恭上紫清之號揆首春之穀旦陳徽冊之
威儀獲造殊庭薦珍神祖導珍符而展采膺瑞曆以建元乃至潔祀大宮
升禋告土式罄奉先之孝克伸大報之忱福貺來同感悅交集風宵內首
黃髮靡遑思典官師共遵天誨體清虛之妙本存悠永之真風是周順考
靈辰宣揚共可建中之道愈清皇極之規謹以今年正月十五日行宣讀
天書之禮繫爾軍府體茲意焉 十二日帝齋于長春殿親王近臣御史
中丞知雜尚書省四品諸司三品宗室國練使已上藩侯觀察使已上管
軍防禦使已上並齋於朝堂及本司以王欽若為宣讀天書禮儀使 十
三日有司于天安殿設次奉玉皇聖像于中位置寫本天書于東聖祖版
位于西命儀衛使王旦等建金籙道場三晝夜 十四日詔皇姪守節已
上駙馬都尉王貽清李遵勗並升殿陪位預聽 十五日三鼓四壽帝服
通天冠絳紗袍詣天安殿道場焚香再拜西向而立羣官朝服升殿攝中
書令任中正詣玉皇前跪奏嗣天子臣恒謹與宰臣等宣讀天書講求聖

意虔思睿訓撫育生民儀衛使王旦跪取左承天祥符門天書置案上攝
殿中監張景宗張繼能捧案攝司徒王曾攝司司張知白跪展天書攝太
尉向敏中宣讀每句畢即詳思其指言上天訓諭之意攝中書令王欽若
執筆抄錄宣讀畢攝侍中張昞跪奏嗣天子臣恒敢不虔遵天命儀衛使
跪納天書于匣中又跪取功德閣天書泰山天書宣讀如上儀王欽若跪
進所錄天書意帝跪受訖登歌酌獻禮畢奉寓帝天書還內朝謁上帝
祖宗聖容二國朝王清昭應宮景靈宮太平興國寺啟聖院奉安祖宗聖
容每歲正月十月望皇帝朝拜行的獻之禮親祠前一日詣王清昭應宮
太初殿明慶殿景靈宮天興殿玉皇聖祖行薦獻之禮人奉先寺慶基殿
宣祖聖容集禧觀崇禧殿祖宗聖容慈孝寺崇真殿真宗聖容彰德殿章
獻明肅皇后聖容香安禪院隆福殿元德皇后聖容重徽殿明德皇后聖
容萬壽觀廣愛殿章睿皇后聖容每大禮慶成恭謝或祈禱朝謁皆詣行
禮真宗咸平五年正月六日詣啟聖院永隆院朝拜太宗聖容詔自今遂
為定制其儀前一日有司設大次于殿之東序從官序班殿前北向太常
卿于大次前跪奏請行朝謁之禮前導皇帝升殿詣東階褥位再拜從官
皆再拜皇帝三上香侍臣進酒皇帝跪三奠訖復再拜從官亦再拜禮官

贊導歸大次復跪奏禮畢禮生引軍臣升殿酌獻訖降階與從官已下並
再拜退從官就幕次賜蔬食 故事祖宗每歲上元歷幸佛寺然後御樓
觀燈帝自畢諒陰以啟聖院太宗降誕之地聖容在焉不欲為遊幸之地
故前期恭請朝詣後定以正月十一日 大中祥符七年十月十日王清
昭應宮成詔自今每歲正月望詣宮行朝拜之禮皇帝親祠前二日行薦
獻之禮 九年五月二十三日景靈宮成詔每歲十月望詣宮朝拜如玉
清昭應宮正月望朝拜之儀皇帝親祠前二日行薦獻之禮其儀禮儀使
一員贊導皇帝行事侍中二員一詣靈洗捧匱沃盥一捧盥承水門下侍
郎一員詣靈洗進悅中太常博士一員引禮儀使尚食奉御一員酌酒侍
臣二員一俟尚食奉御酌酒畢按盞跪進一俟皇帝受盞訖按盞置聖像
前 十月三日禮儀院言正月上元書降用上元日朝拜玉清昭應宮十月
聖祖降擇日朝拜景靈宮詔以下元日朝拜著為定式 仁宗天聖元年
正月十三日命叅知政事魯宗道詣啟聖院太宗神御前行薦獻之禮時
帝在諒闇故令近臣攝事自後不親朝謁皆如例 二年三月九日詔舊
例每歲十月望詣景靈宮天興殿朝拜今後仍詣奉真殿朝謁真宗聖容
八年十月十二日太平興國寺開元殿奉安太祖聖容詔每歲上元日

朝謁如啟聖院之儀 明道二年十月二十九日景靈宮廣孝殿奉安莊

懿皇后聖容 英宗治平二年四月十七日景靈宮孝嚴殿奉安仁宗聖

容 熙寧二年正月二十五日景靈宮英德殿奉安英宗聖容每歲下元

日朝謁如奉真殿儀 神宗熙寧元年正月十一日分命參知政事趙概

趙抃朝拜太平興國寺啟聖禪院神御殿故事上元皆車駕躬詣時在諒

陰政也 三年正月十日以秦國大長公主喪詔罷朝謁神御殿命輔臣

行禮 四年正月十一日幸太平興國寺詣開先殿次幸啟聖禪院詣水

隆殿皆行朝謁之禮賜從官食坐賜茶畢還宮 五年正月十一日詣太

平興國寺啟聖禪院朝謁太祖太宗神御殿 六年正月十二日七年正

月十一日八年正月十一日九年正月十一日十年正月十一日元豐元

年正月十一日二年正月十一日並如上儀 十年十二月十七日詔今

後正月十一日依禮例詣太平興國寺等處朝謁及依例差行事公卿並

只進擬施行 元豐三年正月十一日以太行太皇太后祥宮在諸詔罷

朝謁祖宗神御遣參知政事蔡確詣太平興國寺知樞密院事馮京詣啟

聖禪院行朝拜禮 十二月十四日以太皇太后喪服未除詔權罷來年

正月十一日太平興國寺啟聖禪院神御殿十四日集禧觀朝謁並遣官

分詣行禮

四年十月八日以太皇太后喪服未除詔罷望日朝拜景靈

宮依例差官分詣行禮

五年十月景靈宮成應宮觀寺院神御並迎奉

入內奉安于天元等十一殿國朝王清昭應宮奉玉皇聖祖及太祖太宗

真宗聖容大景靈宮及諸寺觀奉帝后神御者皆以時親行朝拜酌獻之

禮玉清昭應宮景靈宮太平興國寺智聖禪院以正月或十月望餘無定

日親祠前一日詣玉清昭應宮太初殿明慶殿景靈宮天興殿薦獻餘悉

以大禮畢恭謝或祈禱亦親至焉自天聖七年玉清宮火親祠前朝獻止

詣天興殿及祖宗神御皆奉安於景靈宮而他處朝謁悉罷高宗建炎

三年二月二十三日詔奉迎祖宗神御已到行在候奉安畢就孟夏酌獻

日親行朝謁之禮閏八月十六日承議郎周元曜言自京師太廟迎奉

藝祖以下神位九室前往杭州詔令軍執率百僚朝詣兼辭十一月十

九日詔京師迎奉到御容迎赴天慶宮四年二月二十日太常寺言祖

宗大忌係於溫州天慶宮設位行香今已迎奉到章武殿會聖宮神御於

本宮聖祖殿權奉安訖今後遇忌辰並於神御殿行香從之五月一日

太常寺言依令孟夏朝獻景靈東西宮其平江府溫州天慶觀見安奉神

御緣今車駕巡幸未係駐蹕乞差逐州知通於孟夏月擇日逐處分詣行

禮從之 其後福州湖州亦有奉安神御每遇四五入內侍省取降御
封香知通分行朝獻之禮 九月六日中王孫故鼎州兵馬都監叔熊女
趙氏進英宗皇帝御容一軸詔令繳進 紹興元年十一月十四日又進
太宗御容一軸係判南衙日服色伏乞宣取詔令赴內東門司從進 紹
興元年四月二十六日都大監領喪事所言得旨傳寫大行隆祐皇太后
御容三軸內一軸天章閣一軸內中欽先孝思殿一軸下宮崇奉從之
十月二十五日詔開封府祥符縣進士徐濟進三朝御像令禮部支降兩
浙東路空名度牒五道濟自南京前來投進故有是命 十一月二十六
日武德郎兼閤門宣贊舍人權江西兵馬副都監李山進收得太祖太宗
真宗仁宗御容四軸詔令江西安撫大使李回至官保護赴行在 二年
二月十四日江南東路節制軍馬使司主管機宜文字周方平言迎奉信
州民間收到太祖太宗真宗仁宗四朝御容若到行在詔於天章閣奉安
五月十八日詔道君太上皇帝道觀御容令浙西安撫大使司差官迎
奉赴行在 時楚州據僧報果於衛州得之至是來上見權安奉於鎮江
府政也 七月二日太常寺言樞密副承旨幕韓迎奉太祖真宗御容欲
於天章閣安奉從之 八月二十八日使臣二人迎奉到太宗御容九月

九月南京弩手戴立迎奉到真宗御容十二年三月十四日江南西路馬
步軍副總管御前統制軍馬劉詔迎奉到太祖御容並送天章閣收奉
三年十二月十一日迪功郎凌濬進太上道君皇帝御容詔送天慶觀收
奉四年十月十八日詔令信安郡王孟忠厚迎奉昭慈聖獻皇后御容
前云穩便州軍差內侍官照應遇歲時酌獻依備宮體例時以軍興權宜
已而事息復回臨安六年三月三十日詔布衣孟瑞弼進太祖皇帝太
宗皇帝御容二軸已迎奉赴天章閣令戶部支賜絹五十匹四月十四
日禮部言全州收得太祖皇帝御容已於天慶觀聖祖殿奉安不敢擅自
迎奉前去詔令本州專差武臣一員迎奉前來不得沿路接援五月十
五日太常寺言辨驗蘇燁收到太祖皇帝太宗皇帝繪像乞依近例令天
章閣收奉從之十一月二十五日江南西路都轉運使趙子直言故翰林
侍讀學士王洙孫男楚老進祖先在日有太祖皇帝太宗皇帝真宗皇
帝仁宗皇帝四聖御容繳納詔令江西轉運使於見管銀絹各支一百匹
兩七年五月十八日行在龍圖天章寶文顯謨徽猷閣下降下道君太
上皇帝寧德皇后御容其崇奉禮儀欲依見崇奉祖宗神御每遇旦望諸
節序生忌辰合行的獻之禮從之九年五月十一日同簽書樞密院事

充東京留守兼權開封尹王倫等言東京天章閣欽先孝思殿御容先在
啓聖院權行安奉未審合與不合近奉赴行在詔令留守司將畫像差官
迎奉赴行在其雕塑木石聖像依舊安奉候汴水通日取旨四月二
十三日親從承局邢道收得太祖皇帝太宗皇帝真宗皇帝御容親從額
外指揮使王琪收得太祖皇帝御容前來投進詔令入內侍省差天章
閣官辨驗如要是御容即仰臨安府奉迎進入九月五日左朝奉郎鄭
億年言昨被驅虜到東都日收得祖宗諸后御容五十六軸詔令臨安府
奉迎入內十年三月十四日禮部太常寺言塑製徽宗皇帝顯恭皇后
顯肅皇后神御單依例合詣神御前行朝獻之禮欲乞車駕自常御殿乘
輦詣天章閣兩神御殿行朝獻之禮從之十二年八月十九日迎護徽
宗皇帝顯肅皇后懿節皇后梓宮禮儀使司言內迎奉到祖宗御容三匣
係同梓宮船進行緣見服總麻難以朝拜太常寺看定欲令禮儀使左屬
官先次迎奉赴天章閣收奉從之十六年十二月十七日眉州報恩光
孝禪寺僧道求獻太祖皇帝御容詔令戶部支賜絹二十匹十九年正
月二十九日從義郎趙子威投進太祖皇帝御容一軸赴天章閣收奉詔
令戶部支賜絹二十匹

祭鼎鼎祀費或言奉安神霄飛雲鼎鼎徽宗崇

寧三年二月以隱士魏漢津言備百物之象鑄鼎九四年三月告成詔於中太一宮之南為殿以奉安各周以垣上施睥睨以方色之上外築垣環之名曰九成宮中央曰帝鼐其色黃祭以上土王日為大祠幣用黃樂用宮祭北方曰寶鼎其色黑祭以冬至幣用皂東北方曰壯鼎其色青祭以立春幣用皂東方曰蒼鼎其色碧祭以春分幣用青東南曰周鼎其色綠祭以立夏幣用緋南方曰彤鼎其色紫祭以夏至幣用緋西南曰阜鼎其色赤祭以立秋幣用白西方曰品鼎其色赤祭以秋分幣用白西北曰魁鼎其色白祭以立冬幣用皂八鼎皆為中祠樂用登歌饗用素饌其樂舞帝鼐奏嘉安之曲迎神送神奏景安初獻升降奏正安亞獻終獻奏文安文舞帝臨嘉至之舞武舞曰神娛錫羨之舞八鼎皆奏明安之曲迎神奏凝安初獻升降奏同安亞獻終獻奏成安四年正月十七日詔於帝鼐之宮立大角鼎星之祠以導迎景既八月二十日奉安九鼎翌日車駕幸九成宮酌獻大觀元年十一月十四日鄭居中言奉詔亳州大清宮王與之進黃帝崇天祀鼎儀訣今臣等參詳可與不可施行臣等竊考其說皆本於天元玉冊九宮太一與魏漢津制度相合其間論五運六氣勝衰勝復以五行相剋制亦合於漢津所授上帝錫夏禹隱文乞修為祭

鼎儀範時出而用之今修成鼎書十七卷祭鼎儀範六卷乞頒降每歲祀
鼎常與付有司施行內出手詔曰鼎之為物久矣其義莫傳此覽居中等
所上調羅遺失稽參制度合若符契燦然可觀其論易卦謂應鼎星之象
易莫非象也有取象於天有取象於地有取象於人皆象其一物而已至
鼎則備天地人之象故易於鼎獨曰象者此也可今改正餘依所請先
是議者請用王與之所獻皇帝崇天祀鼎儀缺并上帝錫夏禹隱文同修
為祭鼎儀範內出手詔曰九鼎以奠九州以禦神祇其用其法復失其傳
闕王與之所上祀儀推鼎之意施於有用蓋非今人所能作去古綿邈文
字雜揉可依所請擇其當理合經修為定制頒付有司乃命居中等刊修
至是書成未上故有是詔 十二月二十四日臣察言陛下肇建九宮增
修祀典迎氣用律以召至和而逆鼎集章尚未修定乞詔有司考四時之
氣候察五行之盛衰撰譜製詞各從其方以鎮九州內出手詔曰九鼎以
奠九州祀事所用樂曲不當各隨其方不可概以一律可依所請命學士
院撰進 政和六年九月十三日以奉安定鼎詔差太師蔡京為禮儀使
提舉官楊戩就充都大管幹 二十八日詔帝鼎神像依選定十月十三
日卯時上車出城宮門權行奉安 十月十九日赴天章閣西位奉安

二十四日詔誠感殿長生大君神像可遷赴天章閣西位鼎閣奉安 十一月三日詔帝龕改為隆龕正南形鼎為明鼎西南阜鼎為順鼎正西鼎鼎為醴鼎西北冠鼎為健鼎正北寶鼎依舊東北壯鼎為毓鼎正東蒼鼎為育鼎東南岡鼎為濯鼎鼎閣為圓象徽調之閣閣上神像左周鼎星君中帝席星君右大角星君閣下鼎鼎神像各守運鼎排列 十二月二十六日駕詣鼎閣奉安隆龕等神像翌日車駕詣閣燒香百官陪位仍以其日為休務假 七年正月二十一日手詔隆龕八鼎舊元成宮遷時換水用禮制大樂祭告隆龕八鼎各有殿閣內隆龕係大祠於閣下安設宮祭餘八鼎係中祠於殿上安設登歌今鼎鼎共置一間今尚書省下有司參定太常寺大晟府言每歲祠祭鼎鼎隨時更律各用章曲節奏令參酌宮祭樂仍舊列於殿庭其登歌樂虞欲並於殿上前楹之間北向安設連鼎各用樂草從之 五月六日太常寺言將來夏至依五禮新儀祀明鼎行事官吏前一日早赴圓象徽調閣省饌至日行禮緣在皇城內車駕已赴夏祭齋宮乞下皇城司經由門戶照會出入及將帶燈燭等物從之 重和元年十二月二日手詔九鼎新名乃狂人妄有改革皆無稽據宜復舊名圓象徽調閣仍舊祀寶成宮 大觀三年四月詔以鑄鼎之地作寶

成宮總屋七十一區中置殿曰神靈以祠黃帝東廡殿曰成功祀夏后氏
西廡殿曰特盈祀周成王及周公旦召公奭後置堂曰昭應祀唐李良及
隱士嘉成侯魏漢津政和三年八月三日禮部太常寺言寶成宮特置
為祠黃帝夏后氏周成王周公旦召公奭唐李良及魏漢津等歲欲於大
樂告成崇政殿元進樂日秋八月二十五日舉祀事祀黃帝依感生帝神
州地祇為大祠樂用黃樂用宮祭祀文依祀聖祖稱祠皇帝臣召其樂舞
迎神奏寶安初獻升降奠幣奏正安復位奏肅安奏饌奏嘉安酌獻登歌
奏歆安亞終獻奏文安徹饌登歌奏豐安望燎奏正安火舞曰治安慶昌
之舞武舞曰玉顯神功之舞其成功特盈二殿禮用中祀幣各用白昭應
堂禮用小祀並以素饌從之奉安神宵飛雲飛政和八年二月詔左
右街道錄院差成儀道士二百人於今月十日赴禮制製造所迎導神宵
飛雲飛鼎赴上清寶錄宮神霄殿奉安先是七年七月詔禮制製造所
鑄造太極飛雲洞知之飛蓋壺祀天貯醪酒之鼎山嶽五神之鼎精明洞
淵之鼎天地陰陽之鼎混沌之鼎浮光洞天之鼎靈光是耀鍊神之鼎蒼
龜火蛇蟲魚金輪之鼎自十月十日始鑄至是奉安